

四庫全書

子部

欽定四庫全書

子部

證治準繩卷七十二

詳校官太醫院醫官臣姜晟

編修臣倉聖脈覆勘

總校官進士臣

朱鈐

校對官編修臣

盧遂

謄錄監生臣

雷在瓊

欽定四庫全書

證治準繩卷七十二

明 王肯堂 撰

幼科

初生門

初生

薛小兒在胎稟陰陽五行之氣以生臟腑百骸藉胎液以滋養受氣既足自然生育分娩之時口含血塊啼聲

一出隨即嚥下而毒伏於命門遇天行時氣久熱或飲食停滯或外感風寒驚風發熱等因發為瘡疹須急於未啼時用軟帛裹指它去其血用黃連豆豉硃蜜甘草解之後雖出痘亦輕矣有嚥入即時腹脹嘔吐短氣不乳者用茯苓丸治之但黃連性寒若稟母氣膏粱積熱者宜服若滋味淡薄胎氣元弱者又不宜用其硃砂固能解毒恐金石鎮墜不若只以牛黃分許蜜調與吮為佳世多用犀角解毒丸其胎氣虛寒虛弱者反傷脾胃

生氣甚致不育又有嬰兒因其難產或冒風寒而垂危者切不可便斷臍帶急烘綿絮包抱懷中急以胎衣置火中煨燒更用火紙捻於臍帶上往來燎之使煖氣入腹須臾氣復自甦尤戒洗浴恐腠理不密元氣發泄而外邪乘之也

拭口法嬰兒新產出胎急以綿裹指揩拭兒口中舌上惡血穢露謂之玉銜若啼聲一發即入腹成百病又看舌下若連舌有膜如石榴子若啼不出聲不轉速以

指爪摘斷之或用葦刀子割之微有血出即活 若舌

下血出多者以燒亂髮灰同猪脂少許和塗之

聖惠云看齒根

有黃筋兩條以葦刀割斷點點乳佳如兒口難開先點猪乳

兒上下唇與齒齦連處

皆有一筋牽引若上唇筋緊即生上煉下唇筋緊即生

下煉上煉生瘡滿頭或眉間如癰狀瘙癢不已復流黃

汁至處生瘡下煉起腰背漸至四肢患亦如上若疾甚

不治或頭面上下相通累年不輕又夭折或成大病是

唯每日早晨拭口佳

浴兒法兒生三日以桑槐榆桃柳各取嫩枝三寸長者
二三十節煎湯看冷熱入豬膽汁二三枚浴之 浴湯
用豬膽益母草不生瘡疥用金銀虎頭骨麝丹砂辟惡
氣客忤驚癇用桃梅李楮根葉解體熱溫壯之病須浴
時煮 湯須不冷不熱於無風密室浴之勿令久 浴
訖以粉摩之或以光粉蚌粉撲身辟邪吉 紀用經浴
法寅卯酉日吉壬午丁未癸巳凶不能上三日勿犯下
三日 三日五日
七日浴 小兒洗浴不可先斷臍帶候洗了方斷

不致水濕傷臍可免臍風臍瘡等證用清油調髮灰傳臍洗兒不可用水打濕臍帶

斷臍法千金云臍不得以刀割隔單衣咬斷以煖氣呵七過即纏結所留帶致兒足跌上斷訖連臍帶中多有蟲急剔撥去不爾入臍成疾臍當長六寸長則傷肌短則傷臟不以時斷及按汁不盡暖氣漸微即生寒令兒臍風 寶鑑論斷臍若用剪刀先於懷中令煖又水入臍多天釣痛苦啼叫面青黑臍傷動令久不乾傷外風

即口噤不可救

灸臍法聖惠云兒生一宿抱近明無風處看臍上有赤脈直上者即於脈盡頭灸三壯赤散無患矣

裹臍法千金論治白練令柔軟方四寸新綿厚半寸與帛等合之裹臍調其緩急急則吐哕二十日乃解若十許日怒啼必衣中有刺或臍燥刺腹當更裹臍冬時須閉戶下帳然火令溫煖換衣亦然仍以溫粉撲之

服藥下胎毒法心鑑曰古方書言兒始生落草服永粉

朱砂白蜜黃連欲下胎毒今人率承用之不知今人稟受攝養與古人不同其藥乃傷脾敗陽之藥若與兒服後必生異證只宜用淡豆豉煎濃汁與三五口其毒自下又能助養脾氣消化乳食然古人之法終不可湮沒今人用之而効者多或不至如心鑑所云者今次第列於左方 張渙云嬰兒初生第一日纔斷臍褌袍訖看兒形色若面紅潤色赤啼聲響快者宜用承粉法良久有臍糞便下為佳次用甘草法次用朱蜜法臨時更看

形色若面色多青白啼聲不響即不須服次用牛黃法
古方又有黃連法韭汁法豬乳法等在人看兒寒熱
怯壯擇所宜而用之爾

甘草法用好原州甘草中指一節許拍碎以水二蜺殼
煎一蜺殼以綿纏蘸令兒吮之若吐出惡汁為佳若服
一蜺殼不吐即不須更服不問嬰兒虛實寒熱皆須服
之

肘後方吐後更與兩服吐止須盡一合

薛氏預以甘草細切少許臨產

時以綿裹沸湯盞內覆溫收生之際以軟綿裹指蘸甘

草汁拭其口次用黃連法朱蜜法

黃連法集驗方初生兒惡汁留胸膈壅塞易生蘊熱驚
癇瘡癰用好肥黃連數塊槌碎綿裹如妳頭狀湯內浸
成黃汁拈撫一二點兒口中惡汁自下乳食便美未盡
用空綿別浸黃連後以朱蜜間與之海藏方淨黃連
一錢水一盞預先煎下待兒生未出聲時便用灌下以
去腹中惡物臍尿兼解胎中蘊積熱毒終身不生瘡又
去臍風等病

韭汁法本草云兒初生與韭根汁灌之即吐出惡水
聖惠方甘草後煖水浸韭子汁塗兒唇上乾又塗數次
止不令入口

朱蜜法好朱砂一大豆許細研水飛煉赤蜜一蜆殼看
稠稀和成膏每用一豆大乳汁化下時時滴口中三日
內止三粒臨時更看形色若面色多青白啼聲不響即
不須服

牛黃法千金方朱蜜竟與牛黃不獨益肝膽除熱定精

神止驚辟惡氣又除百病 張渙法真牛黃一塊好蜜煉熟和成膏每服一豆大乳汁化時時滴口中形色不實者不宜多服若嬰兒胎熱或身體黃色宜多服之

汞粉法張渙方兒紅潤色赤啼聲響快者用汞粉半錢旋旋令兒吮之良久有臍糞便下為佳 寶鑑銀粉抹口舌上下左右兩頰然後飼朱蜜

豬乳法嬰兒初生至滿月內常時時旋取豬乳滴口中佳 豬兒飲母次便提後脚離乳急捋之即得

臍帶法用本兒落下臍帶瓦上焙燥為末入辰砂黃連甘草各末五分和勻蜜拌做三五次塗乳母乳上俟兒吞之必使一日夜吞盡次日惡毒皆從大便而出日後不但痘疹稀疏竟有不出痘者俟臍帶落下即便製服在六七日之間為妙其辰砂必須研極細末以甘草湯飛過任服無害此方一以解毒一以補養蓋臍帶乃有生初之河車也繫於母之命門兩腎之所主乃以腎補腎腎既充足即不受邪故無他日變黑歸腎之證亦無

顛門不合之疾生一兒即得一兒真保生第一良法

藏衣法

即胞衣

崔氏云兒衣清水洗勿令沙土草污又清

酒洗之仍內錢一文在衣中盛新瓶內青綿裹瓶口密蓋置便宜處三日後依月吉地向陽高燥處入地三尺埋之瓶上土厚一尺七寸須牢築令兒長壽智慧若不謹為豬狗食令顛狂蟲蟻食令病惡瘡犬鳥食令兵死近社廟令見鬼近深水汙池令溺死近故竈令驚惕近井傍令聾盲棄道路街巷令絕嗣當門戶令聲不出耳

聾著水流下令清盲棄火裏令生爛瘡著林木頭令自

絞死此忌須慎

每於天德月空處埋之

正月天德在丁月空在丙

士餘詳官本歷日

若遇反支宜挂宅外福德上向陽高燥處待

過月然後依法埋藏吉

甲乙日生丙丁日藏丙丁日

生戊己日藏戊己日生庚辛日藏庚辛日生壬癸日藏

吉

剃頭法集驗方云小兒初剃頭俱不擇日皆於滿月日

剃之蓋風俗所尚前產婦未得出房於滿月即與兒俱

出謂胎髮穢惡有觸神竈令小兒不安故於此日必剃頭而出凡剃頭就溫煖避風處仍剃後須以杏仁三枚去皮尖研碎入薄荷三葉再同研却入生麻油三四滴膩粉拌和頭上擦以避風邪免生瘡疥熱毒其後小兒亦宜此法

附方

海百壽散 小兒初生未滿月已裹用之者老無瘡疥

黃連

一兩
硃砂
一錢

右水煎令老母拭去口涎淨灌下餘藥傾盆中浴兒
遍身搽妙

顱顙兒初生日與平和飲子

指迷兒生三日後與母服

人參 茯苓 甘草 升麻

各二錢五分

水一盞煎一合半時時與之乳母忌油膩滿月及百
晬如時冷加白朮熟加硝各半錢

生下胎疾

月內不測諸病

總論千金論曰芽兒出腹骨肉未斂肌肉未成猶尚是

血凝則堅而成肌肉也又云如水上之泡草頭之露夫初生一臘之內天地八風之邪豈能速害良由在胎之時母失愛護或勞動氣血相干或坐卧饑飽相役飲酒食肉冷熱相制恐怖驚撲血脈相亂蘊毒於內損傷胎氣故降生之後有胎熱胎寒胎肥胎怯胎驚胎黃諸證生焉外因浴洗拭口斷臍灸臍之不得法或綳絕驚恐乳哺寒溫之乖其宜致令噤口臍風鎖肚不乳等證病患致此亦難救療坐視其斃良可哀憫故黃帝云吾

不能察其幼小謂別是一家調理耳用藥者必明消息
形候審定生死察病患之淺深知藥性之寒溫而後庶
乎少失也

初生輒死千金兒初生輒死視兒口中懸癰前上齦有

胞者

翼云赤胞

以指甲摘取頭決令潰去血勿令血入咽入

咽殺兒慎之

不能啼三因云小兒初生氣絕不能啼者必是難產或
冒寒所致急以綿絮包裹抱懷中未可斷臍帶且將胞

衣置爐炭中燒之仍熬火紙條蘸油點火於臍帶下薰之蓋臍帶連兒火薰時有火氣由臍入腹更以熱醋湯盪洗臍帶須臾氣回啼哭如常方可洗浴了即斷臍帶

嬰兒哭遲者以葱白細鞭背上即啼 水鑑方云胎

風生下不能啼須使園中小葉葵搗取汁調熊膽末繞咬入口免傾危 看舌下法見前 兒生下地即不啼

哭不能吞乳奄奄如死者急看喉間懸癰前腭上有一泡用指摘破以帛拭去惡血勿令嚥下即能通聲吞乳

眼不開兒生眼閉口開常呻吟因受胎熱用涼五藏藥

天竹黃散

方見重舌

及與母喫復以竹筒煎湯洗眼 小兒

初生眼閉者由產母食熱物毒物致成斯疾治法當以
熊膽少許蒸水洗眼上一日七次如三日不開用生地
黃湯服仍須乳母服山茵陳湯凡初生小兒須洗令淨
若洗不淨則穢汁浸潰於眼眥中使眼赤爛至長不瘥
生地黃湯 治初生小兒眼不開

乾地黄 赤芍藥 川芎 當歸

去蘆

瓜蒌根

甘

草

右為細末少許用燈心煎湯調抹入口中速服

四聖散 治嬰孩胎受熱毒生下兩目不開

燈心 黃連 秦皮 木賊 棗子

各半兩

右呬咀每服二錢水一盞煎七分澄清去查無時頻

洗兩目自開

洗眼方

黃連 秦皮 燈心 大棗

各等分

右用竹筒煎湯

不乳謂初出胞胎而不吮乳也嬰兒初出胎時其聲未發急以手拭其口令惡血淨盡不得下咽即無他病若拭口不淨惡穢入腹則令腹滿氣短不能吮乳或產母取冷過度胎中受寒致令兒腹痛也宜用茯苓丸及木香檳榔散治之

茯苓丸

赤茯苓

川黃連

去鬚枳殼炒

右等分為末煉蜜丸桐子大每服一九乳汁調下
治穢惡入腹令兒嘔吐不乳方

木香 乾薑

生

茯苓

甘草

酸木瓜

丁香

各等

分

右為麤末一捻水煎綿蘸滴與之

外臺方

用乳兩合葱白一寸煎一兩沸去葱喫即乳

聖惠人參丸

人參 龍膽 黃連 馬牙硝 甘草 炙微赤 枳實

麩炒微黃
各二兩

右搗羅為細末煉蜜丸如桐子乳汁研二丸灌口中
日四五服差

硃砂丸 治三歲以下胃口閉不喫乳

朱砂 牛黃 麝香 丁香 甘草 炙微赤 人參 各一

分 犀角 黃耆 石膏 細研水飛 五靈脂 各半兩

右搗羅研勻密丸如菉豆熟水下三九日四五服

灸法兒生二七日內不吮乳多啼者客風中臍循流
心脾灸承漿在下唇稜下宛宛中次灸頰車在耳下
頰骨後炷如雀屎各七壯此非灸不療 兒喉中鳴
咽乳不利灸旋璣三壯在天突下一寸陷者中

吐不止錢初生下吐因穢惡下咽故也用木瓜丸主之
凡初生急須拭淨口中否則啼聲一發穢物嚥下致生
諸病 田月裏生嘔先用硃砂丸下之如利後用朱沈
煎墜其邪氣便穢物自下而不嘔也

錢木瓜丸

木瓜 麝香 膩粉 木香 檳榔

各等分

右同研細末麵糊丸如小黃米大每服一二丸甘草水下無時 薛芽兒初生之患多因乳母不慎七情不節厚味傳兒為病當審其因以調治其母前所用之藥恐臟腑脆嫩不能勝受用者審之

聖惠藿香散 治兒生至半月嘔逆不止

藿香 紫苑

洗去苗土各一分

甘草

炙赤半兩

麥門冬

三分去心焙

桂心

半分

右為散每服一錢水一盞煎五分去滓溫綿點滴口

中

不小便小兒初生不尿者多因在胎時母恣食噉熱毒之氣流入胎中兒飲其血是以生而臍腹腫脹如覺臍四旁有青黑氣色及口撮即不可救也如未有青黑色不飲乳者宜服蔥乳湯

蔥乳湯

用葱白三四寸四破之以乳汁半盞煎灌一方葱
白生用搗爛人乳拌入兒口內再與乳吮下即通

豆豉膏

黑豆一田螺十九葱一大
筒把

右搗爛芭蕉汁調貼臍下

按觀丹溪治鄭廉使之子患淋病乃因父服下部熱
藥遺毒在胎留於子之命門而然以紫雪和黃檗末
為丸投之下如黍如粟者梳許而安則初生不尿症

其當審因而處治不言可知也

不大便俗名鎖肚由胎中受熱熱毒壅盛結於肛門閉而不通無復滋潤所以如此至若第三日不通急令婦人以溫水漱口吸啞兒前後心并臍下手足心共七處凡四五次仍以輕粉半錢蜜少許溫水化開時時將少許服之以通為度如更不通即是肛門內合當以物透而通之金簪為上玉簪次之須刺入二寸許以蘇合香丸納入孔中糞出為快若肚腹膨脹不能乳食作呻吟

聲至於一七難可望其生也 田氏治法先用硬蔥鍼

絳肛門如大便不下後用牛黃散

方見喘

送朱砂丸一時

自見

大小便不通小兒初生腹脹欲絕大小便不通亦如前
法吸咂胃前背心手足心臍下七處以紅赤色為度須
臾自通

垂癰千金云小兒出腹六七日後其血氣收斂成肉則
口舌喉頰裏清淨也若喉裏舌上有物如蘆籜盛水狀

者若懸癰有脹起者可以綿纏長鍼留刃處如粟米許
大以刺決之令氣泄去青黃赤血汁也一刺之止消息
一日未消者來日又刺之不過三刺自消盡餘小小未
消三刺亦止自然得消也有著舌下如此者名重舌有
著頰裏及上腭如此者名重腭有著齒斷上者名重斷
皆刺去血汁也 刺後用鹽湯洗拭急用如聖散或一
字散搽刷

如聖散

鉛霜 真牛黃 太陰玄精石 朱砂

水飛 曝乾

右四味各研極細秤准各二錢五分拌勻入白龍腦五分再研勻每用藥抄一字至半錢止摻兒口中時時用

一字散

朱砂 鵬砂

各半錢

龍腦

朴硝

各一字

右為極細末用蜜調少許鵝翎蘸刷口內嚥下無妨重舌巢氏云心候於舌而主血脾絡脈又出舌下心火

脾土二藏子母也有熱即血氣俱盛其狀附舌下近舌根形如舌而短名重舌 指爪摘斷及葦刀子割法見前拭口法條 惠眼鵝口重舌重齦口瘡背上焦熱因受胎時大受極熱急以鷄內金為末乾摻口內及朱砂膏地黃膏輪流摻之仍服天竺黃散

地黃膏

鬱金

皂莢水煮乾切焙

豆粉

各半兩

甘草

一分炙

馬牙硝

一研

錢

生地黃汁蜂蜜對合熬成膏和藥每服兩皂子大香
熟水含化或鵝翎掃口內

金朱飲 治驚壯熱傷寒伏熱上焦虛熱重舌口鼻生

瘡致赤眼方

本名天竺黃散

川鬱金

剉皂莢水煮乾
細者如膽壯佳

天竺黃

甘草

炙

馬牙硝

各半

朱砂

一分
研

蟬殼

十四箇水
洗去土

麝香

少許

右為末每服半錢至一錢蜜湯調下

重齟重腭千金治法總前垂癰門 刺去血汁後鹽湯

洗拭一字散塗刷法同前條 茅先生云心熱壅滯先

用朱砂膏

見驚積門

塗舌上後用牛黃膏

見腸熱門

聖惠牛黃散

一方無前三味有玄明粉

牛黃

白龍腦

朱砂

各一分

鉛霜

半兩

太陰玄精石

一兩

右細研為散先於腫處以鍼鉞破出血鹽湯洗拭口

後摻藥神効

口中有蟲外臺療兒喫妳不穩七日以來壯熱顏色赤

鼻孔黃恐作撮口及牙關蟲似蝸牛亦似黃頭白蚌螺
用竹瀝半合和少許牛黃服差 又豬肉拭口即蟲出
噤風巢氏云兒口內忽結聚生舌上如黍不能取乳名
噤由在胎熱入藏心偏受熱 聖惠初生兒須防三病
一撮口二著噤三臍風皆急病著噤尤甚過一臘方免
牙關緊急喫乳不穩啼聲漸小口吐涎沫茅有眼閉人見大
小便通以為冷熱所得不知病在喉舌狀亦極重善救
療者十不得三四依將護法防於事先必無此患 但

有此證急看見上脛有點子先以指甲輕輕刮破次服
定命散辰砂全蝎散之類如口噤不開服諸藥不効者
生南星去皮臍研為極細末龍腦少許合和用指蘸生
薑汁於大牙根上擦之立開凡臍風撮口噤風三者雖
異其受病之源則一也大抵裏氣鬱結壅閉不通並宜
服煎豆豉汁與喫取下胎毒千金云小兒初生其氣高
盛若有微患即須下之若不時下則成大疾難為療矣
紫霜丸量而與之

定命散 治初生兒口噤不乳

蟬蛻

二七枚
去嘴脚

全蝎

二七箇
去毒

右為極細末入輕粉少許和研用乳汁乳遠調化服
辰砂全蝎散 治初生兒口噤

辰砂

水飛
半錢

全蝎

頭尾全去毒
二十枚炙

鵬砂

龍腦

麝香

各一字

右為極細末用乳母唾調塗口唇裏及牙齒上或用
豬乳少許調入口內

紫霜丸

方見
變蒸

張渙立聖散 治妊娠之時母服熱藥過多或食灸燂

熱物等致令嬰兒初生下口噤不乳口舌上瘡如黍

粟大噉唯多啼名曰口噤

乾蜘蛛

一箇去口足以新竹火上炙取油
一蜆殼許浸一宿炙令焦取末

乾蝎梢

七箇
為末 膩粉

末一
錢

右件並同研極細每服一字乳汁調時時滴口中

千金治口噤赤者心噤白者肺噤 雞糞白棗大綿裹

水一合煮二沸分再服

聖惠用豆大
三枚水下

又雀糞四枚

末之著乳頭飲兒大十枚

外臺著噤病在咽如麻豆許令兒吐沫不乳 水銀如

黍與服下咽便愈以意量之不過小麻子許

事急用

食療茶莓研汁灌口中死亦生

生下濕莖端三葉花
黃子赤似覆盆子

聖惠川椒一兩搜麴裏三角肉樣燒黃熟以綿蓋兒口

掐去尖如筋頭使椒氣入口效未覺再作

蜈蚣方 治小兒口噤不開不能吮乳

赤脚蜈蚣

半條去足炙
令焦為末

麝香

少許

右以豬乳和之蓋豬乳能獨主小兒口噤不開

蜘蛛方 治小兒口噤不開不能吮乳

蜘蛛

一枚去足及口
炙令焦細研

用豬乳一合和為三服徐徐灌之神妙入麝香治牙

疳極好

牛涎方

右取東行牛口沫塗小兒口及額上即効

治噤搐鼻法用鬱金藜蘆瓜帶為末水調搐之 茅先

生云兒生一百廿日內犯風噤

病同著噤

因母受胎有疾故

受毒氣生來血氣未調又被風邪所擊致之治法先與

奪命散吐風涎

見急慢驚門

後下醒脾散

一見胃氣不和門一見慢脾風門

夾勻氣散與服

見胃氣不和門

又下雄朱散

見赤白痢

夾朱砂膏

見急

驚常服即愈如手捉拳噤口不開死

鵝口巢氏云兒初生口裏白屑滿舌上如鵝之口故名

由在胎受穀氣盛心脾熱氣薰發於口

治用髮纏指

頭蘸井花水揩拭之睡時黃丹煨出火氣摻於舌上

如用前法其舌上白屑不脫可煮栗莢汁令濃以綿纏指頭拭之若春夏無栗莢可煮栗木皮如用井花水法簡要用牙硝細研於舌上摻之日三五度 秘錄用

桑白皮汁和胡粉傅之 雞胫胫黃皮燒末水和服

張渙保命散 治嬰兒初生七日內胎毒者其舌上有

白屑如米連舌下有膜如石榴子大令兒語不發名

曰鵝口病

白礬

燒

朱砂

水飛各二錢半

馬牙

硝

半兩

右各研極細再同研每服一字取白鵝糞以水攪取
汁調塗舌上頷頰內未用藥時先以手指纏亂髮揩
拭舌上垢然後使藥傅之

茅先生論兒喉中壅一塊肉瘤閉却為喉痺身大熱舌
硬不轉為木舌口開滿口黃如膏名鵝口三候皆熱甚

生風風壅熱毒至此為實熱先用三解牛黃散

見實熱門微

與通吐惡涎後用勻氣散

見胃氣不和門

及用天竺黃散

見重舌門

夾牛黃膏

見發熱門

與服愈如喉響似鋸及眼視面青黑不

妳食死候

撮口外證舌強唇青聚口撮面面目黃赤氣息喘急啼
聲不出飲乳有妨若口出白沫而四肢冷者不可救療
其或肚脹青筋吊腸卵疝內氣引痛皆腸胃鬱結不通
致之治法貴乎疏利

辰砂膏是也

初生一臘乃免

七日也

千

金云小兒初出腹骨肉未斂肌肉猶是血也血凝乃堅
成肌肉耳其血沮敗不成肌肉則使面目繞鼻口左右

悉黃而啼閉目聚口撮面口中乾燥四肢不能伸縮者
皆是血脈不斂也多不育若有如此者皆宜與龍膽湯
也

龍膽湯方 治嬰孩小兒胎驚月內氣盛發熱臍風撮

口壯熱

龍膽草 鈞藤 柴胡 黃芩 桔梗 赤芍

藥

炒

茯苓

皮去

甘草

炙各五錢

蜣螂

翅二枚去足炙

大黃

一分紙

煨

右合研為極細末用棗去核煎或加防風去蘆麥門

冬去心以導心熱食前調服

張渙云嬰兒胎氣挾熱亦因母有邪熱傳染或生下洗浴當風襁褓失度致令嬰兒啼聲不出乳哺艱難名曰撮口不開病七日之內尤甚急風散主之

急風散方

蛇蛻皮

微炒

鈎藤

乾蝎梢

各一分
搗羅為細末

朱砂

一分
細研水飛

好麝香

真牛黃

各半錢
並研極細

右件都拌勻再研為細末每服一字取竹瀝一兩點

同乳汁調下

辰砂殭蠶散 治初生撮口

辰砂

水飛半錢

殭蠶

真的去絲嘴炒一錢

蛇蛻皮

炒一錢

麝香

研半錢

右為極細末少許用蜜調傅唇口

撮風散 治小兒撮口

赤脚蜈蚣

半條炙

鈎藤

二錢半

朱砂

真殭蠶

焙

全蝎

梢

各一錢

麝香

一字

右為末每服一字取竹瀝調下竹瀝解熱極好

辰砂膏

辰砂

三錢

鵬砂

馬牙硝

各一錢五分

玄明粉

二錢 全蝎

真珠末

各一錢

麝香

一字

右為末和棗同好單包起自然成膏每服一字或一
豆許治諸驚用金銀薄荷湯下潮熱甘草湯下月內
嬰兒用乳汁調傅妳上令吮下

臍風鎖口方

金頭蜈蚣

一箇 蝎梢

五箇

真殭蠶

七箇

瞿麥

半錢

右為末每一字吹入鼻中啼則可用薄荷湯調下
一字然後服千金龍膽湯朱銀丸

殭蠶方

真殭蠶二枚去嘴略炒為末調傅唇口中

甘草方 治小兒撮口取吐

甘草

錢一

右煎服令吐出痰涎即以猪乳點入口中即差

臍風千金有臍風臍濕臍瘡三者皆因斷臍後為風濕

傷而成夫風入臍臍腫腹脹四肢不利多啼不能乳甚
者發搐為臍風腫濕經久不乾為臍濕風濕相搏令臍
生瘡久不差為臍瘡有一不已入於經脈多變為癇癇
成作癇治 臍風者謂斷臍之後被水濕風冷所乘風
濕之氣入於臍而流入心脾遂令肚腹脹滿臍腫身體
重著四肢柔直日夜多啼不能吮乳甚則發為風搐若
臍邊青黑撮口不開是為內搐不治爪甲黑者即死其
或熱在胸堂伸縮努氣亦令臍腫宜千金龍膽湯主之

方見
前條

錢氏云小兒洗浴拭臍不乾風入作瘡令兒撮

口甚者是脾虛胃氣不和宜調氣益黃散主之

方見
脾部

類萃云宜先用控痰飲吐風痰次用益脾散和脾又用
辰砂膏利驚即愈或手足攣拳禁口不開者不治 曾

氏法先投却風膏次以五苓散加寬氣飲入薑汁葱白
燈心煎湯調服與解風痰及用一字金煎荊芥湯或薄
荷湯調抹口內證輕即快 如稟賦充實發熱有痰驚
搐投黑白飲溫蜜湯空心調下微泄似茶褐色二三行

進白芍藥湯水薑棗煎服常用此法亦妙 若臍凸

送音

肚緊微有青色口撮不開肝風盛而脾土受制不可施
治凡有此候百無一治縱使得安亦非長壽

控痰飲

蝎尾

銅青

各半錢

朱砂

一錢

膩粉

一字

麝香

少許

右為末每服一字臘茶清調下先吐風痰然後和胃
或有段甘草方吐痰隨隨重用

益脾散

白茯苓 人參 草薺煨 木香濕紙裏煨 甘草 陳皮

厚朴薑製 紫蘇子炒各等分

右為末每服一錢薑棗水煎

辰砂膏

方見前

宣風散 治初生兒因斷臍後外傷風濕唇青口撮多啼不乳口出白沫

全蝎

二十一箇頭尾全去毒用無灰酒少許塗炙為末

麝香

一小字別研

右研為極細末用半字金銀煎湯或麥門冬去心煎

湯調化食遠服

防風散 治初生兒臍風

防風

去蘆

羌活

黃耆

當歸

川白芷

甘草

各半

錢

右為極細末少許用燈心麥門冬去心煎湯調化不
拘時候服

劫風膏 治急慢驚搐臍風撮口牙關緊閉痰涎壅盛
咽喉腫痛

歲靈仙

去蘆一兩半細
劉焙研為末

右用皂莢三兩去皮弦槌損揶溫水一盞絹濾過慢
火熬若稀糊入醇醋半兩再熬三五沸去火候冷用
前藥末亭分乳鉢內杵勻丸芡實大先用鹽梅肉擦
牙根次以此膏一丸或二丸溫白湯濃調抹入左右
牙闕內即開續進別藥熬時得瓦器為上銀器尤佳
及解風痰壅盛淡薑湯調化無時少與含嚥咽喉腫
痛溫茶清調下或薄荷湯

五苓散

寬氣飲

俱見驚搖

一字金 治初生嬰孩一七之外欲成臍風撮口及卒

中急慢驚風牙關緊閉壅上痰涎

殭蠶

炒去絲

歲靈仙

去蘆各四錢

明白礬

生用二錢

細辛

去葉一錢

甘草

生用二錢半

右剉焙為末每服一字至半錢薑汁沸湯調勻以指抹入牙關內治卒中急慢驚證口禁不開用鹽梅湯

調擦上下牙根二處

黑白飲 治臍風氣實者及急驚壯熱發搐

黑牽牛

半生半炒

白牽牛

半生半炒

大黃

生用

陳皮

去白

檳榔

各半

兩

甘草

炙三錢

玄明粉

二錢

右除檳榔不過火餘五味或曬或焙仍合檳榔為末
同玄明粉入乳鉢內再杵勻每服半錢至一錢溫蜜
湯調化空心投服或無時此藥新合最妙久則效遲

白芍藥湯

方見疝

張渙封臍散 治嬰兒初生因乳母不謹洗浴水入臍
中或兒尿在褌袍之內濕氣傷於臍中或解脫風冷
邪氣所乘令兒臍腫多啼不能乳哺名臍風病宜急
用此

好川當歸

半兩洗
焙乾

天漿子

三箇
微炒

亂髮

一錢燒
灰存性

右件同搗羅為細末入麝香一字拌勻用藥一字至
半錢傳臍中時時用

三因小兒初生一七日內忽患臍風撮口百無一效坐

視其死良可憫也有一法世罕知者凡患此證看兒齒
齦上有小泡子如粟米狀以溫水蘸熟帛裹指輕輕擦
破即開口便安不藥神效

小兒初生臍風撮口諸藥不效者灸然谷穴在內踝前
起大骨下陷中可灸三壯鍼入三分不宜見血立效

臍風目上挿刺絲竹空 腫灸腰對臍骨節間三壯炷
如麥 臍風撮口在百日內多不治

臍濕嬰兒臍中腫濕經久不差若至百日即危急宜速

療之 顱頤經治臍濕方枯礬龍骨為末入麝少許拭
臍乾用避風絳帛灰傅臍中 乾蝦蟆牡蠣各一枚
燒灰細研少許傅臍中日三兩上差

封臍散

甄帶灰 亂髮灰 白薑灰 紅帛灰

四灰不得夾別灰

南星 白歛 當歸頭 赤小豆 五倍子 血

竭 龍骨 赤石脂

煨

海螵蛸

百草霜

臙脂

錢各半

右合研為極細末濕乾傳乾則清油塗忌生水浴臍
又方

紅綿灰 黃牛糞灰 龍骨 髮灰 乾臙脂
錢 各半

右為極細末濕乾摻乾清油塗臍

又方 治臍內出水汁不乾

當歸頭 去蘆綿一錢或舊錦
縛臍帶燒灰

右為極細末入麝香一小字同研少許乾摻臍

錢乙壁墨散

黃礬 釜下墨 亂髮灰

各等分

右為細末每用少許傳之

張渙胡粉散

胡粉 乾薑

燒灰

白石脂

燒存性

右各等分研極細再同研勻用藥一字至半錢傳臍

中時時用

莊氣臍大如栗虛腫而軟疼用竹瀝塗日數上消一兒

臍濕淹破屋爛草為末頻搽效

臍瘡巢氏曰因浴兒水入臍中或尿濕裯袍致臍中受濕腫爛成瘡或解脫為風邪所襲入於經絡則成風癰若臍腫不乾久則發搐肘後乾蝦蟆燒灰傅日三四

佳聖惠有枯砒

異功散 治臍中瘡

龍骨煨 薄荷葉 蛇床子各二錢 輕粉半錢

右為極細末少許乾摻臍

龍骨散 治臍中瘡

龍骨

煨

輕粉

各半錢

黃連

去鬚錢半

右為極細末少許乾摻臍

治兒滿月啼叫臍中出血用白石脂炒研極細末乾摻

治兒因剪臍傷於外風致臍瘡不乾方

白明礬

煨

龍骨

各半錢

右研為極細末乾摻

張渙金黃散 治臍瘡久不差風氣傳於經絡變為癰

疾

川黃連

二錢半

胡粉

龍骨

燒灰各一錢

右各另研復合研為細末每用少許傅臍中時時用預防初生兒臍風著噤撮口最為急證十難救一預治之法宜時用軟帛包指拭口中牙齦上有筋兩條便用葦刀輕輕割斷以猪乳點

黃連

去鬚半錢

豆豉

二十粒

甘草

一寸

葱白

二寸

右用童子小便煎綿蘸拭口中抱兒向明看臍上有

赤脈直上便赤脈頭上灸三壯者生

臍突初生之兒有熱在胸堂則頻頻伸引呃呃作聲努
脹其氣抑入根本之中所以臍突腫赤虛大可畏無識
之夫將謂斷臍不利而使之然者非也此由胎中母多
驚悸或恣食熱毒之物所致宜對症與藥其熱自散其
臍歸本不必以藥傳之恐反為害 曾氏曰臍突一證
又非臍風此亦因初生洗浴繫臍不緊穢水侵入於內
產後旬日外臍忽光浮如吹捻動微響間或驚悸作啼

治用白芍藥湯加薏苡仁水煎空心溫服次以外消散
塗貼自然平復

白芍藥湯

見疝

外消散 治嬰孩初生旬日外臍突或痛或不痛痛則
啼聲不已及療小兒因感濕熱搏致陰器膚囊浮腫

大黃

牡蠣

各半兩

朴硝

二錢

右前二味剉焙為末仍入朴硝乳鉢內同杵勻抄一
錢或二錢取田螺淨洗再水半盞活過一宿去螺

用水調塗腫處即消其螺仍放水中勿害之昔賢有
曰殺生救生去生遠矣物命雖微亦可戒也治陰器
膚囊腫車前子煎湯候冷調傳

二豆散 治嬰孩小兒臍突腫

赤小豆

不去皮

豆豉

天南星

去皮臍

白斂

各一錢

右為極細末半錢用芭蕉自然汁調傳臍四傍一日
一次二日二次若得小臍下白即安

胎驚小兒壯熱吐衄心神不寧手足抽掣身體強直眼

目反張是胎驚風證 胎驚者以妊婦調攝乖常飲酒

嗜慾忿怒驚撲母有所觸胎必感之或外挾風邪有傷

於胎故子乘母氣生下即病也其候月內壯熱翻眼握

拳噤口咬牙身腰強直涎潮嘔吐搐掣驚啼腮縮顙開

或頰赤或面青眼合

凡胎風眼合不可誤作慢脾妄用溫藥

其有搭眼噤

口之類亦此一種之所發也視其眉間氣色赤而鮮碧

者可治若黯青黑者不治虎口指紋曲入裏者可治反

出外者不治先宜解散風邪利驚化痰調氣及貼顙法

甚則以朱銀九利之若面青拳搐用保命丹

通治急慢驚

釣

藤散

方見慢驚

全蝎散

方見偏風口喎

之類大抵小兒臟腑脆弱不

可輒用銀粉鎮墜之劑如遇此候急取豬乳細研牛黃

麝香各少許調抹入口中仍服導赤散以瀉肝之子即

愈矣石壁經歌未出胎中一月來母驚成患子臨胎

腰直哭時先口撮面青拳搐縮雙腮眼閉咬牙筋脈急

受氣時若陰氣弱胎易驚落肉消甚陽氣弱胎難驚落

手足細肌肉瘦皆不盡天年若日月滿因驚落口撮腮

臉起鼻塞口喎勿作驚治微汗次

治驚調氣乳母服調氣藥兒貼額任喚千聲眼不開退

却風涎為治療涎去驚邪自不回

失治則目瞋先治驚則吐瀉秋夏必脾風

初見勿作脾風治恐汗不出生別候
鳳髓烏犀九次生銀九並急慢驚門

錢百日内發搐

真者不過三兩次必死假者頻發不為重真者内生驚
癇假者外傷風冷蓋血氣未實不能勝任乃發搐也欲
知假者口中氣出熱治之可發散大青膏主之可用塗
顛法 田月裏生驚急取豬乳細研辰沙牛黃各少許
調抹口中神效乳母服防風通聖散三劑其驚自消
斗小兒未滿月驚搐似中風欲死者用辰砂以新汲水

濃磨汁塗五心上最效 湯治胎癇驚風皆可服全蝎
頭尾全者用生薄荷葉包外以麻線纏火上炙燥為末
別研生硃麝香各少許煎麥門冬湯調下 薛一小兒
患胎驚諸藥不應用紫河車研爛如泥每用錢許乳化
服之更以十全大補湯加鈎藤鈎漏蘆與母服兩月餘
舉發漸輕服年餘舉發漸稀服年餘不再發至出痘後
復發取紫河車研爛入糯米粉丸小豆大每服百丸以
乳送下服二具全瘥畢姻又發仍用前丸及十全大補

湯六味丸加當歸黃耆肉桂五味子年餘喜其能遠帷
幕得痊後因勞役更作又用前丸及十全大補等藥不
應用大劑獨參湯服數斤然後舉發稍緩乃用人參二
兩附子一錢數服頓止仍用前藥間用獨參湯而痊
一小兒患胎驚用紫河車丸及十全大補湯及釣藤膏
而愈畢姻後復發用大劑獨參湯六味丸加五味子黃
耆當歸煎服半載舉發稍輕年餘不再發後每勞役怒
氣仍發即用前藥隨愈又傷寒愈後復作虛症悉具莫

能名狀用紫河車二具獨參煎湯十餘斤而痊後患傷風咳嗽咽乾內熱用六味地黃丸料加五味子煎服及十全大補湯而痊

獨活湯 治胎驚發散風邪

獨活

羌活

各一分

檳榔

天麻

麻黃

去節

甘草

各半

分

右剉散每服半錢煎服於內加南星末蜜調不可貼
頗用

驅風散

胡黃連

二錢半

全蝎

去毒焙

犀角

天竺黃

麻黃

去節

各半

麝香

一字

右為細末用乳汁調化食遠服

右二方發散之劑實有表證方可用之

青金丸 治嬰孩小兒解散胎熱化痰涎鎮驚邪

人參

去蘆

天麻

煨

茯神

去皮木

白附子

炮

牛膽南星

炒各

錢二甘草

炙一錢半

青黛

一錢

朱砂

水飛半錢

麝香

一字

右為極細末煉白蜜圓如梧桐子大用釣藤皂莢子煎湯研化不拘時候服

太乙散 治芽兒胎驚病瘥亦宜常服

天漿子去殼微炒 南星 白附子各微炮 天麻 防風

茯苓各二錢 全蝎 朱砂各一錢 麝香少許

右為末每服半錢乳汁化下張渙方天漿蝎梢各二十一箇防風天麻朱砂各半兩麝香一錢無茯苓白朮

參蜆散 治小兒胎驚定心神

天漿子 天竺黃 人參 朱砂 全蜆 天麻

蟬蛻

各等分

麝香

少許

右為末煉蜜丸桐子大每服一九金銀湯下

豬乳膏 治小兒諸驚胎癇

全蜆

一箇焙

琥珀

朱砂

少許

右為末每服一字麥門冬煎湯調下

朱銀丸 治小兒胎風壯熱痰盛翻眼口噤取下胎中

蘊受之毒亦治驚積但量與之

水銀

一錢 燕 藥 研如泥

白附子

一錢 半

全蝎

南星

朱砂

各一錢

天漿子

蘆薈

牛黃

各半兩

鉛霜

半錢 銀 煨 研

和水

龍腦

一錢 麝香 字

少 許 真 殭 蠶

炒 七 箇

右為末煉蜜丸桐子大薄荷湯化下

張渙聖星丹 諸痢皆宜服之曾經大効

天南星一般大者四十九箇端午取活蝎四十九

箇瓦器盛鹽泥固濟吊靜室中臘日取出揀南星

蝎蜚處著有小竅子者其餘不用只將蝎蜚南星

以酒浸一宿焙研細末次用 牛黃 麝香 龍

腦各一錢
研細 辰砂細研水飛
二錢半

右件在一處研勻薑汁和桐子大服一粒至二粒人

參薄荷湯化下

白金散 治諸癇潮發不省者

白殭蠶半兩湯洗炒微黃
搗羅為細末次用 天竺黃二錢
五分 牛黃一錢
麝

香 龍腦各半
錢 細研拌勻每服半錢薑汁調放溫

灌之

烏金膏 治胎痢潮發頻併

烏梢蛇

一條取淨肉酒浸一宿焙

蠶紙

一張燒灰

蟬蛻

全蝎

朱

砂

飛各半兩

金箔

二十片

龍腦

麝香

各半錢

右各取細末研勻蜜和如皂子每服一粒人參薄荷

湯化下

天南星煎 治胎痢潮發遲省

天南星

微炮

白附子

白花蛇

酒浸去皮骨炙黃各一兩

乾蝎

炒

天麻 各半
兩

已上搗羅為細末用好酒兩大盞慢火熬不住手攪

以酒盡為度次用 朱砂 細研水飛半兩 膩粉 二錢五分 牛黃

麝香 龍腦 各半錢 細研入膏內和如皂子每服一粒

竹瀝化下無時

祛風散 治胎癇多啼叫

胡黃連 半兩 全蝎 犀角 天竺黃 麻黃 去節各二錢五

分

右各取細末和勻每服半錢入麝一字乳汁調下

鐵粉散 治驚風面赤口乾大便不利尤宜服

鐵粉

半兩

鬱金

牛黃

真珠

胡黃連

各二錢五分

各研細末拌勻每服一字溫蜜湯調下

羌活膏 治胎癰昏困不省

羌活

獨活

各一兩

天麻

全蝎

人參

去蘆

白殭

蠶

微炒各半兩

烏蛇肉

一兩

宿焙

酒浸

右搗羅為細末煉蜜和膏每服皂子大麝香荊芥湯

化下

麝香膏 治胎癰不得安卧

麝香

研

牛黃

研

白附子

蠶蛾

微炒

白殭蠶

微炒

各二錢

分全蝎

二十箇

右取淨末更研細蜜和膏如皂子每服一粒人參荊芥湯化下

胎癰曾胎癰者因未產前腹中被驚或母食酸鹹過多或為七情所汨致傷胎氣兒生百日內有者是也發時

心不寧面微黃氣逆痰作目上視身反張啼聲不出先用參蘇飲和解次以不驚丹或琥珀抱龍丸間投輕則可愈重者難全

參蘇飲

發熱

不驚丹

驚

琥珀抱龍丸

驚

胎風小兒初生其身有如湯潑火傷者此皆乳母過食

膏粱所致也其母宜服清胃散

方見雜病牙齦門

及逍遙散

方見

女科虛勞門

以清其氣血兒亦飲數滴可也有身無皮膚而

不炊赤者皆由產母脾氣不足也用粳米粉傅之炊赤
發熱者皆由產母胃中火盛也用石膏傅之經謂脾主
肌肉肺主皮毛故知病脾肺也如腦額生瘡者火土相
合遂成濕熱下流攻擊腎水也難治如脚上有瘡者陰
虛火盛也此不滿五歲而斃如未滿月而撮口握拳腰
軟如隨者此肝腎中邪勝正弱所致也三日內必不治
如男指向裏女指向外尚可治眉紅亦不可治可治者

用全蝎散

方見口噤

釣藤散

方見慢驚

等類治之若因大病虧損

胃氣而諸臟虛弱所致者用補中益氣湯

方見虛羸

錢氏地

黃丸

方見腎藏

若面唇赤色正屬腎水不足肝經陰虛火動

而內生風熱爾當滋腎水以制陽光其身軟者內稟氣

不足肌肉未堅也當參五軟而施治之 聖惠所云胎

風原與胎驚混濫故此不取

胎熱兒在胎中母多驚悸或因食熱毒之物降生之後

旬日之間兒多虛痰氣急喘滿眼閉目赤目胞浮腫神

因呵欠呢呢作聲遍體壯熱小便赤色大便不通時復驚煩此因胎中受熱或悞服溫劑致令熱蓄於內薰蒸胎氣故有此證若經久不治則鵝口重舌木舌赤紫丹瘤自此而生宜先以木通散煎與母服使入於乳令兒飲之通心氣解煩熱然後以四聖散溫洗兩目目開進地黃膏天竺黃散及牛蒡湯當歸散亦令母服凡有胎疾不可求速效當先令乳母服藥使藥過乳漸次解之百無一失若即以涼藥攻之必生他病乳母仍忌辛辣

酒麴庶易得安不致反覆

生地黃湯

湯氏

治小兒在胎時因母有熱或恣飧酒麴熱毒之物傳於胎中令兒生下面赤眼閉身體壯熱哭聲不止口熱如湯乃胎熱之候也

生地黃 赤芍藥 川芎 當歸 枯薑根

右件等分㕮咀每服半兩水一盞煎六分產婦亦可服以些少抹入兒口中

木通散 主小兒上膈熱小腑閉諸瘡丹毒母子同服

木通 地蓄

各半兩

大黃 甘草

赤茯苓

各三錢

瞿麥 滑石

山梔子

車前子

黃芩

各二錢半

右水一鍾燈心三莖或入薄荷同煎

釀乳法

豬苓

去黑皮

澤瀉

赤茯苓

去皮

天花粉

茵陳

生

甘草

生地黄

山梔子

去殼

右剉散用水煎食後令乳母捏去宿乳却服此藥

甘豆湯

治小兒胎熱

甘草一錢 黑豆二錢 淡竹葉七莖

右咬咀用水一鍾入燈心七莖煎不拘時候服

四聖散 主芽兒胎受熱毒生下兩目不開

燈心 黃連 秦皮 木賊 棗子各半兩

右水一鍾煎澄清去渣無時起洗兩目自開後服地

黃膏

地黃膏 治胎熱

山梔仁 萊豆粉各一兩半 粉草六錢

右為末用生地黄爛杵一兩半和好蜜一兩半以薄瓦器盛在銅銚中煮成膏如稀糊相似候冷停分入前藥末同在乳鉢內再研勻芡實大每以半丸麥門冬湯化服

天竺黃散

見口瘡

牛蒡湯

見咽喉

當歸散

見潮熱

清胃散

見雜病牙齒門

薛氏治胎熱用此

胎寒嬰兒初生百日內覺口冷腹痛身起寒粟時發戰慄曲足握拳晝夜啼哭不已或口噤不開名曰胎寒其證在胎時母因腹痛而致產經云胎寒多腹痛亦有產婦喜啖甘肥生冷時果或胎前外感風寒暑濕治以涼藥內傷胎氣則生後昏昏多睡間或嘔乳瀉白若不早治必成慢驚慢脾凡有此候宜以沖和飲當歸散合和水煨薑煎服使之微泄泄行進勻氣散調補泄止氣勻

神安痛定手足舒伸次用參苓白朮散以養胃氣白芍藥湯去其寒濕乳母宜節生冷飲食庶易瘥也 又有手足稍冷唇面微青額上汗出不顧乳食至夜多啼頗似前證但無口冷寒戰名曰臟寒其疾夜重日輕腹痛腸鳴泄瀉清水間有不泄者此證亦在百日內有之皆因臨產在地稍久冷氣侵逼或以涼水參湯洗兒或斷臍帶短而又結縛不繫為寒氣所傷如此宜以白芍藥湯及沖和飲加鹽炒茴香茱萸水薑煎服并乳母同服

湯小兒胎中有寒生下不能將護再傷於風其候面色青白四肢逆冷手足顫動口噤不開乃胎寒之故或

寒乘虛入臟作腹疼盤腸內弔

治法詳寒
腹痛條

沖和飲

方見

當歸散

方見
潮熱

白芍藥湯

見
疝

勻氣散

見
疝

參苓白朮散

異功散

方見
臍瘡

薛氏治胎寒用此

胎肥胎怯錢氏曰胎實面紅目黑睛多者善笑胎怯面黃目黑睛少白睛多者多哭更別父母肥瘦肥不可生瘦瘦不可生肥也

胎肥者生下肌肉厚遍身血色紅滿月以後漸漸羸瘦目白睛粉紅色五心煩熱大便難時時生涎浴體法主之

天麻 錢二 蝎尾

去毒

硃砂

各五分

烏蛇肉

酒浸焙乾為末

白礬

各三

麝香

錢一

青黛

錢三

右研勻每用三錢水三碗桃枝一握并葉五七枝同煎至十沸溫熱浴之勿浴背

大連翹飲 治胎熱臍風小便不通及諸般瘡毒

連翹

瞿麥

荊芥

木通

赤芍藥

當歸

防風

柴胡

滑石

蟬殼

甘草

炒各一錢

山梔子

黃芩

各半錢

右為末每服二錢加紫草水煎熱甚加大黃更詳證
加減

薛氏曰胎肥乃受母胃熱所致兒用浴體法以疏通
其腠理乳母服大連翹飲

胎怯者生下面無精光肌肉薄大便白水身無血色時
時哽氣多噦目無精采亦宜以浴體法主之 初虞世
曰母氣不足則羸瘦而內薄父精不足則解顙眼白多
胎黃小兒生下遍體面目皆黃狀如金色身上壯熱大

便不通小便如梔汁乳食不思啼哭不止此胎黃之候
皆因乳母受濕熱而傳於胎也凡有此證母子皆宜服
地黃湯及地黃飲子有生下百日及半週不因病後身
微黃者胃熱也若自生而身黃者胎疸也經云諸疸皆
熱色深黃者是也犀角散主之若淡黃兼白者胃怯也
白朮散主之

生地黃湯 治小兒生下胎黃

生地黃 赤芍藥 川芎 當歸 枯薑根

各等分

右呔咀每服半兩水煎乳母服時時少抹入兒口中
地黃湯

生地黄 赤芍藥 天花粉 赤茯苓

去皮

川芎

當歸

去蘆

猪苓

澤瀉

甘草

茵陳

各等分

右剉散用水煎食前服

地黃飲子

治小兒生下

原闕

滿身面目皆黃狀如金

色或面赤身熱眼閉不開大便不通小便如梔子汁

滿身生瘡

生地黃

赤芍藥

各二錢

羌活

去蘆

當歸

去蘆

甘草

一錢

右為極細末用燈心煎湯食前服乳母宜服仍忌酒

麴五辛之物

犀角散 治小兒胎黃一身盡黃

犀角

茵陳

枳實根

升麻

煨

甘草

龍膽草

生地黃

寒水石

煨等分

右㕮咀用水煎不拘時候服

胎赤田氏云月裏生赤肌膚如赤丹塗者先用牛黃散

托裏續用藍葉散塗外乳母服清涼飲子三大劑

牛黃散或

即牛黃奪命散方見喘門清涼飲方見腹痛

張渙云嬰兒初生須洗目令淨若不淨則穢汁浸漬於眼背中使臉赤爛至長大不差者名曰胎赤宜用二金散 曾純陽之子始生旬月忽兩目俱紅弦爛澁癢成翳此因在胎為母感受風熱傳於心肝而得先以百解散加當歸散水薑燈心煎服次導赤散及牛蒡湯如黃連木賊蟬殼水煎服自效 有因難產胎氣頗澀轉側

差緩其血壓於兒首遂至濺血滲下盛則灌注其眼不見瞳人輕則外胞腫赤上下弦爛若投涼藥必寒臟腑宜與生地黃湯主之

百解散

方見驚搖

當歸散

方見潮熱

導赤散

方見心藏

牛蒡湯

方見喉痺

二金散方

黃連

去鬚

黃檗

各一錢

右搗為麤末以乳汁浸一宿焙乾每用少許以新綿裹用荊芥湯浸放濕熱時時洗之

真金散 治小兒初生洗眼不淨則穢汁浸漬於眼眥

中使臉赤爛至長不瘡母食熱物熱藥名曰胎赤

黃連

去鬚

黃柏

當歸

赤芍

各一錢

杏仁

去皮尖半錢

右剉散乳汁浸一宿曬乾為極細末用生地黃汁調一字頻頻點眼新綿裹荊芥湯浸溫時時洗浴母服

洗心散

洗心散

甘草生 當歸 麻黃 芍藥 白朮 荊芥 大

黃煨各半錢

方為極細末用生薑薄荷煎湯調化食遠服

生地黃湯見眼不開

證治準繩卷七十二

欽定四庫全書

子部
證治準繩卷七十三

詳校官太醫院院使臣張肇基

編修臣倉聖脈覆勘

總校官進士臣朱 鈐

校對官中書臣宋枋遠

謄錄監生臣王秉鈞

欽定四庫全書

證治準繩卷七十三

明 王肯堂 撰

幼科

肝臟門

肝

錢肝主風 實則目直大眦呵欠項急頻悶 虛則咬牙多欠氣熱則外生氣溫則內生 肝病哭叫目直視

呵欠頓悶項急 外生感風呵欠頓悶口中氣熱當發
散大青膏主之若能食飲水不止當大黃丸微下之餘
不可下 肝熱手尋衣領及亂捻物瀉青丸主之壯熱
飲水喘悶瀉白散主之 肝有風目連劄不搐得心熱
則搐治肝瀉青丸治心導赤散 肝有熱目直視不搐
得心熱則搐治肝瀉青丸治心導赤散 肝有風甚身
反折彊直不搐心不受熱也當補腎治肝補腎地黃丸
治肝瀉青丸 凡病或新或久皆引肝風風動而上於

頭目目屬肝風入於目上下左右如風吹不定兒不能

任故目連劄也若熱入於目牽其筋脉兩眦俱緊不能

轉視故目直也若得心熱則搐以其子母俱有實熱風

火相搏故也

潔古曰肝主謀勇熱則尋衣捻物目連劄直視不能轉視或極則身反彊直折皆風

火也目者肝之竅屬木木性急故如是

肝病秋見

一作日晡

肝強勝肺肺怯不

能勝肝當補脾肺治肝益脾者母令子實故也補脾益

黃散治肝瀉青丸主之

肝病春見

一作早晨

肺勝肝當補

腎肝治肺臟肝怯者受病也補肝腎地黃丸治肺瀉白

散主之 五臟相勝輕重肝病見秋木旺肝勝肺也宜
補肺瀉肝輕者肝病退重者唇白而死 婁五臟相勝
病隨時令乃錢氏擴充內經藏氣法時論之旨實發前
人所未發者也假如肝病見於春及早晨乃肝自病於
本位也今反見於秋及日晡肺之位知肺虛極肝往勝
之故當補脾肺瀉肝也餘倣此 潔肝主風自病則風
搐拘急急食甘以緩之佐以酸苦以辛散之 實則風
搐力大瀉青丸主之 虛則風搐力小地黃丸主之

心乘肝實邪壯熱而搐利驚丸涼驚丸主之 肺乘肝

賊邪氣盛則前伸呵欠微搐法當瀉肺先補本臟補肝
地黃丸主之瀉肺瀉白散主之 脾乘肝微邪多睡體

重而搐先當定搐瀉青丸主之搐止再見後證則別立
法治之 腎乘肝虛邪增寒呵欠而搐羌活膏主之

劉凡肝得病必先察其肺腎兩臟根其病之所起然後
審其肝家本臟之虛實方可治療然腎者肝之母金者
木之賊今肝之得病若非腎水之不能相生必是肺金

之鬼來相攻擊不得不詳審而求之故其來在肺先治其肺攻其鬼也其來在腎先補其腎滋其根也然後審其肝家本臟之虛實而寒溫之 薛若肝經實熱而外生風者宜用大青膏散之若既服而前證仍作或益甚者此邪氣已去而脾氣虧損也宜用異功散加芎歸補之若肝經虛熱或因尅伐而内生風者宜用異功散地黃丸補之若風邪入臟能食飲冷大便秘結者此邪氣內實也宜用大黃丸下之若既下而食少飲湯或腹作

脹者此脾氣內虛也宜用白朮散補之氣血素弱或因
病後或服攻伐之劑而手尋衣領咬牙呵欠目淡青者
乃肝經虛甚也急用地黃丸以補腎肝哽氣短氣長出
氣乃肺經虛甚也急用異功散以補脾肺若申酉時叫
哭直視呵欠頓悶項急驚悸手足搖動發熱飲水者此
風火相搏而勝肺金也用柴胡梔子散以治肝火生肝
血用異功散補脾土生肺金若唇白者為脾絕不治
海肝苦急急食甘以緩之甘草 肝欲散急食辛以散

之川芎 以辛補之細辛 以酸補之芍藥 肝虛以
生薑陳皮之類補之虛則補其母腎者肝之母也以熟
地黃栢補腎如無他證錢氏地黃丸補之 補肝丸四
物湯內加防風羌活等分為細末煉蜜為丸是也 鎮
肝丸即瀉青丸去梔子大黃是也治肝虛錢氏補腎地
黃丸 肝實以白芍藥瀉之如無他證錢氏瀉青丸主
之實則瀉其子心乃肝之子以甘草瀉心

瀉青丸

錢氏

又名瀉肝丸

當歸

去蘆焙

龍膽

焙

川芎

山梔子

仁

川大黃

濕紙裏煨

羌活

防風

去蘆各等分

右為末煉蜜和丸芡實大每服半丸至一丸煎竹葉湯同沙糖溫水化下

薛前方足厥陰經解散肌表

疏通內熱之藥也若大便秘結煩渴飲冷飲食如常者屬形病俱實宜用此以瀉之若大便調和煩渴飲冷目淡青色屬病氣實而形氣虛宜用抑肝散平之若大便不實作渴飲湯飲食少思肢體倦怠者屬形

病俱虛宜用地黃丸補之

抑肝散 治肝經虛熱發搐或發熱咬牙或驚悸寒熱

或木乘土而嘔吐痰涎腹脹少食睡卧不安

軟柴胡

甘草

各五分

川芎

八分當歸

白朮

炒

茯苓

鈎藤

各一錢

右水煎子母同服

如蜜丸名抑青丸

大青膏

方見驚搐

大黃丸

方見腹脹

異功散

方見吐瀉

白朮散

方見渴

柴胡梔子散

方見諸熱

利驚丸

涼驚丸

羌活

膏

三方俱見驚搐

洗心散

驚搐

婁驚搐一也而有晨夕之分表裏之異身熱力大者為急驚身冷力小者為慢驚仆地作聲醒時吐沫者為癇頭目仰視者為天弔角弓反張者為瘓而治各不同也藏府旺時補瀉法錢因潮熱發搐在寅卯辰時者此肝用事之時也身體壯熱目上視手足動搖口内生熱涎項頸強急此肝旺也當補腎治肝補腎地黃丸

方見腎部

治

肝瀉青丸

方見肝部

薛寅卯辰時搐而發熱作渴飲冷便

結屬肝膽經虛熱用柴芍參苓散作渴引飲自汗盜汗
屬肝膽經血虛用地黃丸口吻流涎屬肝木尅脾土用
六君子湯 一小兒寅卯時發熱痰搐服抱龍丸而愈
後復患因自用前藥更加咳嗽氣喘不時發搐面赤或
青黃或浮腫或流涎余謂咳嗽氣喘乃脾肺氣虛不時
發搐乃木乘土位面青而黃赤乃肝助心脾浮腫流涎
乃脾氣虛弱用益智丸以補心神補中益氣湯以養脾

肺頓愈 錢因潮熱發搐在巳午未時者此心用事之時也心惕目上視白睛赤色牙關緊急口內涎生手足動搖此心旺也當補肝治心治心導赤散涼驚丸補肝地黃丸 廣親宅七太尉方七歲潮熱數日欲愈錢謂父二大王曰七使潮熱將安八使預防驚搐王怒曰但使七使愈勿言八使病錢曰八使過來日午間即無苦也次日午前果作搐急召錢治之三日而愈蓋預見其目直視而顙赤必肝心俱熱更坐石杌子乃欲就冷此

熱甚也又肌膚素肥盛而本實其脉急促故發搐尅言
午時者自寅至午皆心肝用事之時治之乃瀉心肝補
腎自安矣 薛巳午未時發搐若兼作渴飲水屬風火
相搏以地黃丸補肝導赤散涼驚丸治心若作渴飲湯
體倦不乳土虛而木旺也用地黃丸以補腎六君子湯
以補脾 一小兒巳午時搐熱驚悸發時形氣倦怠而
黃懶食流涎飲湯此心火虛而不能生脾土也不信自
服涼心之藥更加吐瀉睡而露睛幾成慢脾風用六君

薑桂佐以地黃丸而愈 一小兒七歲驚搐發熱不已
巳午未時益甚形氣殊倦熱定飲湯此心脾氣虛朝用
補中益氣湯加益智仁夕用六君當歸鈞藤鈞尋愈後
飲食過多復作吐瀉或治以保和丸反加寒熱發搐此
脾土復傷而肝木所侮也用六君柴胡寒熱止而飲食
進但午未時仍瀉用補中益氣湯加茯苓半夏鈞藤鈞
而愈 錢因潮熱發搐在申酉戌時者此肺用事之時
也不甚搐而喘目微斜視身熱如火睡露睛手足冷大

便淡黃水是肝旺當補脾益黃散

方見脾部

治肝瀉青丸治

心導赤散

潔古云脾病肝強法當補脾恐木賊害宜先瀉心肝以挫其強而後補脾為當

徐

氏子三歲病潮熱每日西則發搐身微熱而目微斜露

睛四肢冷而喘大便微黃請錢與李同治錢問李曰病

何搐也李曰有風何身熱微溫曰四肢所作何目斜睛

露曰搐則目斜何肢冷曰冷厥心內熱曰何喘曰搐之

甚也曰何以治之曰涼驚丸鼻中灌之必搐止錢又問

曰既謂風病溫壯搐引目斜露睛內熱肢冷及搐甚而

喘並以何藥治之李曰皆此藥也錢曰不然搐者心肝實也身微熱者日西肺用事之時也肺主身溫今且熱者肺虛也目微邪露睛者肝肺相乘勝也四肢冷者脾虛也肺若虛甚則脾母亦弱木氣乘脾四肢即冷治之當先補脾肺用益黃散阿膠散得脾虛證退然後治其心肝汗瀉青丸導赤散涼驚丸治之九日愈 薛申酉戌時微搐而喘目微斜身似熱睡而露睛大便淡黃屬脾肺虛熱用異功散手足逆冷或喘瀉不食屬脾肺虛

寒用六君抱薑木香久病而元氣虛者用六君子六味
丸二藥主之

錢因潮熱發搐在亥子丑時者此腎用事之時也不甚
搐而卧不穩身體溫壯目睛緊斜視喉中有痰大便銀
褐色乳食不消多睡不省當補脾治心補脾益黃散治
心導赤散涼驚丸

潔古云皆因大病後脾胃虛損多有此疾

薛亥子丑時

微搐身熱目睛緊斜吐瀉不乳厥冷多睡屬寒水侮土
用益黃散未應用六君薑桂

表裏錢傷風發搐因傷風後得之口中氣出熱呵欠頻
悶手足動搖當發散大青膏主之小兒生來怯弱者多
此病也 潔傷風發搐因傷風而得之證同大人傷風
寒痰之類當辨有汗無汗陰陽二證用大青膏小續命
之類開發則愈 大青膏陰證小續命陽證也 薛傷風發搐口氣不
熱肢體倦怠用異功散補脾土釣藤飲清肝木若因風
邪內鬱發熱而變諸證者當理肺金清風邪若外邪既
解而內證未除當理肺補脾若肺經虧損而致驚搐等

證者當補脾肺以平肝心則驚搐自止矣 一小兒月
內發搐鼻塞乃風邪所傷以六君子湯加桔梗細辛子
母俱服更以葱頭七莖生薑一片細搗攤紙上合置掌
中令熱急貼顙門少頃鼻利搐止

大青膏

天麻

末一分

白附子

末生一錢半

青黛

一錢研

蝎尾

去毒生末

烏

蛇梢肉

酒浸焙乾取末各半錢

朱砂

研

天竺黃

研

右同再研細生蜜和成膏每服半皂子大至一皂子

大月中兒粳米大同牛黃膏溫薄荷水化一字服之
五歲已上同甘露散服之

小續命湯

方見
中風

錢傷食發搐因傷食後得之身體溫多唾多睡或吐不
思乳食而發搐當先定搐搐退白餅子

方見
癖

下之後服

安神丸

方見
心臟

潔傷食發搐謂不因他證忽然而搐此

因飲食過度致傷脾胃故兒多睡多吐不思飲食脾胃
既虛引動肝風則發搐當先定其搐如羌活防風煎下

瀉青丸後用白餅子下其食漸漸用調中丸

方見腹痛

異功

散

方見吐瀉

養其氣

薛停食發搐嘔吐乳食者宜用消食

丸若食既消而前證仍作或變他證者脾土傷而肝木

乘之也用六君子加釣藤鈎以健脾平肝

消食丸方見傷食

垣外物驚宜鎮平之以黃連安神丸若氣動所驚宜寒

水石安神丸 婁外物驚者元氣本不病故治以黃連

安神之苦寒氣動驚者不因外物驚元氣自有病故治

以寒水石安神之甘寒也

黃連安神丸

黃連

淨酒炒
一錢半

朱砂

細研
水飛

生地黃

當歸

各一錢

甘草

炙五分

右為極細末蒸餅和丸如黃米大每服十九津下

寒水石安神丸

即錢氏安神丸方見心臟

鎮心丸 涼心經治驚熱痰盛

甜硝

白者人參

去蘆取末
各一兩

甘草

炙

寒水石

燒各一兩半

乾

山藥

白者

白茯苓

各二兩

朱砂

一兩

龍腦

麝香

各一錢
三味俱

研

右為末熟蜜丸如雞頭大如要紅入坯子臙脂二錢

即染臙脂

溫水化下半丸至一二丸食後

急慢驚總論小兒急慢驚風古謂陰陽癇也急者屬陽陽盛而陰虧慢者屬陰陰盛而陽虧陽動而躁疾陰靜而遲緩皆因臟腑虛而得之虛能發熱則風生是以風生於肝痰生於脾驚出於心熱出於肝而心亦熱以驚風痰熱合為四證搐搦掣顫反引竄視為八候凡眨眼

搖頭張口出舌唇紅臉赤面眼唇青及瀉皆青髮際印
堂青筋三關虎口紋紅紫或青者皆驚風候也大抵肝
風心火二者交爭必挾心熱而後發始於搐故熱必論
虛實證先分逆順治則有後先蓋實熱為急驚虛熱為
慢驚慢驚當無熱其發熱者虛也急驚屬陽用藥以寒
慢驚屬陰用藥以溫然又必明淺深輕重進退疾徐之
機故曰熱論虛實者此也男搐左視左女搐右視右男
眼上竄女眼下竄男握拇指出外女握拇指入裏男引

手挽左直右曲女引手挽右直左曲凡此皆順反之則
逆亦有先搐左而後雙搐者但搐順則無聲搐逆則有
聲其指紋彎弓入裏者順反外者逆出入相半者難痊
故曰證分逆順者此也陽病陰脉陰病陽脉亦為反凡
熱盛生痰痰盛生驚驚盛生風風盛發搐治搐先於截
風治風先於利驚治驚先於豁痰治痰先於解熱其若
四證俱有又當無施並理一或有遺必生他證故曰治
有先後者此也綱領如此若分三者言之暴烈者為急

驚沈重者為慢驚至重者肝風木之尅脾土則為慢脾風矣 婁急驚證屬木火土實也木實則搐而力大目上目眦所謂木太過曰發生其動掉眩癲癇是也火實則身熱面赤土實則不吐瀉睡合睛故其治法合涼瀉而用涼驚丸利驚丸之類慢驚證屬木火土虛也木虛則搐而力小似搐而不甚搐經所謂木不及曰委和其病搖動注恐是也謂手足搐動腹注瀉心恐悸也火虛則身冷口氣冷土虛則吐瀉睡露睛故其治法合溫補

而用羌活膏益黃散有熱者用東垣黃耆益黃散其東垣非錢氏羌活膏治慢驚者謂土虛泄瀉火木乘之謂手掌與腹俱熱之證若火木土俱虛而搖動恐悸注瀉手腹冷者非羌活膏不能治之 丹小兒驚風有二急

驚屬痰熱宜涼瀉慢驚屬脾虛所主多死宜溫補急驚用降火下痰丸養血藥作湯下之慢驚當補脾無用朱砂安神丸清米湯下更於血藥中求之

如四物四君東垣黃耆益黃散

類之世以一藥通治之甚妄

急驚

急驚之候亦曰真搐牙關緊急壯熱涎潮竄視反張搐
搦顫動唇口眉眼眨引頻併口中氣冷臉赤唇紅大小
便黃赤其脉浮數洪緊此內挾實熱外感風邪心家受
熱積驚肝家生風發搐肝風心火二藏交爭血亂氣并
痰涎壅盛百脉凝滯闕竅不通風氣蕃盛無所發泄故
暴烈也又有搐搦反張斜視而牙關不緊口無痰涎而
氣熱未可直指以為驚風恐是傷風傷寒夾食夾驚疹

痘等證此即錢氏假搐之說又各依本證施治矣又急驚搐搦不可把握但扶持之否則風癇逆入經絡遂使手足拘攣成廢疾 錢急驚因聞大聲或大驚而後發搐發過則如故此無陰也當下利驚丸主之 急驚本因熱生於心身熱面赤引飲口中氣熱大小便黃赤劇則發搐蓋熱甚則風生風屬肝此陽盛陰虛也故利驚丸主之以除其痰熱不可用巴豆及溫藥大下之恐搐虛熱不消也小兒熱痰客於心胃因聞大聲非常則動

而驚搐矣若熱極雖不聞聲及驚亦自發搐 閻氏云
急驚內有熱即生風又或因驚而發則目上連劄潮涎
搐搦身體與口中氣皆熱及其發定或睡起即了了如
故此急驚證也當其搐勢漸減時與鎮心治熱之藥一
二服如麝香丸鎮心丸抱龍丸辰砂丸紫雪之類候驚
勢已定須更以藥下其痰熱如利驚丸軟金丹桃枝丸
之類利下痰熱心神安寧即愈 潔古云急驚者陽證
也俱腑受病熱痰客於肺是少陽相火旺經云熱則生

風因聞大聲而作蓋謂東方震卦得火氣而發搐火本
不動焰得風而動當用利驚丸導赤散瀉青丸地黃丸
搐止服安神丸 垣治驚大忌防風丸防風辛溫之藥
必殺人何也辛散浮溫熱者火也能令母實助子之氣
盛皆殺人也如因驚而瀉青色先鎮肝以朱砂之類勿
用寒涼之藥大禁涼驚丸風木旺必尅脾胃當先實其
土後瀉其子 丹急驚風發熱口噤手足心伏熱痰嗽
痰喘並用涌法重則用瓜蒂散輕則用苦參赤小豆末

以酸醞汁調服候少定用通聖散蜜丸服之間以桑樹

上桑牛陰乾研末調服以平其風

桑牛比楊牛則色白黃者是

又以

北薄荷葉寒水石各一兩青黛白殭蠶辰砂各一錢全

蝎二枚豬牙皂角槐角各五分並為末燈心湯和乳汁

灌之角弓反張目直視因驚而致宜南星半夏入薑汁

竹瀝灌之更灸印堂初驚用防風導赤散生乾地黃

川木通防風甘草等分用竹葉三錢煎服須用寧神膏

麥門冬去心天竹黃茯神朱砂各一兩麝香一錢各搗

研極細煉蜜和捏作小餅子臨卧薄荷湯化下一夜一

餅 老醫常言小兒驚搐多是熱證若先用驚風藥

白附子全蝎殭蠶川烏之類便是壞證後有醫幼科者

祇用導赤散加地黃防風進三服導去心經邪熱其搐

便止次服寧神膏神效

從孫道潤幼時患驚搐甚危延京口諸有名幼科醫療之益困

篤其祖易菴兄求方於余以是授之二服立愈自後常以救人無不效者恐人忽易故著之

曾急

驚之論前代書所不載惟曰陽癰大槩失所愛護或抱於當風或近於熱地晝則食多辛辣夜則衾蓋太厚鬱

蒸邪熱積於心傳於肝再受人物驚觸或跌撲叫呼雷聲鼓樂雞鳴犬吠一切所驚未發之時夜卧不穩困中或笑或哭齧齒咬乳鼻額有汗氣促痰喘忽爾悶絕目直上視牙關緊急口噤不開手足搐掣此熱甚而然况無面紅脉數可辨蓋心有熱而肝有風二藏乃陽中之陽心火也肝風也風火陽物也風主乎動火得風則煙焰起此五行之造化二陽相鼓風火相搏肝藏魂心藏神因熱則神魂易動故發驚也心主乎神獨不受觸遇

有驚則發熱熱極生風故能成搐名曰急驚治之之法
先以五苓散加黃芩甘草水煎或百解散發表次通心
氣水通散三解散疏滌肝經安魂退熱牛蒡湯防風湯
主之驚風既除之後輕者投半夏丸重者下水晶丹與
之去痰免成癡疾但不可用大寒涼藥治之熱去則寒
起亢則害承廼制若倉卒之間驚與風證俱作祇用五
苓散加辰砂末薄荷湯調服少解其證蓋五苓散內有
澤瀉導小便心與小腸為表裏小腸流利心氣得通其

驚自減內有桂木得桂則枯是以能抑肝之氣其風自
停況佐以辰砂能安神魂兩得其宜大略要解熱涼心
肝後惟可用平和湯散調理稍熱之劑則難用醫者宜
審之 愚嘗感慨諸人每見驚風搐作不明標本混為
一證遽然全用金石腦麝蜈蚣蛇蝎大寒搜風等劑投
之耗傷真氣其證愈甚多致弗救殊不知驚生於心風
生於肝搐始於氣是為三證其驚與風首已詳及然所
謂畜氣而成搐陳氏之論最為明理但未著其方余於

此證則用寬氣飲治之祇以枳殼枳實為主蓋其氣也
四時平和則身安一息壅滯則疾作况小兒啼哭不常
其氣蘊蓄內則不能升降外則無由發泄展轉經時亦
能作搐善醫者審察病源從而療之萬無一失更辨陰
陽虛實不可輕忽若陽實證煎五和湯調三解散主之
此急驚有搐之類若陰虛證煎固真湯調寬氣飲治之
此慢驚有搐之類若暴感此證未別陰陽虛實先用五
苓散和寬氣飲及少加寬熱飲三藥合用薑汁沸湯調

灌即解大抵治搐之法貴以寬氣為妙氣順則搐停此自然之理 大凡幼穉欲令常時驚悸不作用乎腎藏和平故戴氏曰治驚不若補腎謂心屬火火性燥得肝風則煙焰起致生驚悸補腎則水升火降邪熱無侵雖有肝風不生驚駭其法當於申時進補腎地黃丸一服或琥珀抱龍丸用申時者蓋水生於申佐之以藥則腎水得平心火不炎自無驚矣 鈴方治法大要用藥有次序有輕重通關以後且與截風定搐風搐既定却下

痰熱理為至當。若患在痰熱，未有驚風，只可退熱化痰。不可妄投驚風藥。蓋藥中多用寒涼，恐引入痰熱入經絡。凡病在熱，不可妄治痰止。當解表病在驚，不可妄治風。蓋驚由痰熱得，只可退熱化痰，而驚自止。病在痰，不可便治驚。急須退熱化痰。病在風，不可便治搐。蓋風由驚作，只可利驚化痰，其風自散。若也有搐，須用截風散驚至妙之道。若治驚而痰不化，熱亦不退，驚安得自止。化其痰熱，若不退風，亦不散痰，安得去。是知不治之治。

所以治之之謂歟急驚初傳風搐得定而痰熱一泄又
須急與和胃定心之劑若搐定而痰熱無多則但用輕
藥消痰除熱可也然急驚雖當下切不可過用寒涼及
水銀輕粉巴豆芒硝等蕩滌太驟或當劑之皆不得已
但使疾去即止或不當用而用或可用而過焉由此遂
成慢驚矣且如只下痰熱不必太驟但斟酌處用大黃
一品足矣且急驚證源在於去肝風降心火活幼書以
為至要之說也 薛急驚之候牙關緊急壯熱涎湧竄

視反張搐搦顫動口中氣熱頰赤唇紅脉浮洪數者此
肝經血虛火動生風蓋風生則陰血愈散陰火愈熾火
動則肺金愈虧肝木愈盛宜滋肝血養脾氣若屢服祛
風化痰瀉火辛散之劑便宜認作脾虛血損急補脾土
若風火相搏抽搐目瞶筋急痰盛者用四物湯以生肝
血加鈎藤鈎山梔仁以清肝火更用四君子以補脾六
味丸以滋腎若肺金尅木而無呵欠者用瀉白散以泄
肺邪地黃丸以益肝血若邪入肝則用柴胡清肝散加

龍膽草亦可邪入心用梔子清肝散加炒黃連亦通邪入腎用六味地黃丸邪入肺用地骨皮散邪入脾用六君子加柴胡山梔若不養肝血不補脾氣純用祛風化痰之藥不已則脾益虛血益損邪氣延綿必傳慢驚矣初有痰熱未有驚風先且解表祛肝風降心火

和劑香蘇散解肌加乾葛

見傷寒太陽症

參蘇飲 解驚風煩悶痰熱作搐咳嗽氣逆脾胃不和

人參

去蘆

紫蘇

和梗

前胡

去蘆

乾葛

半夏

赤茯苓

去皮

各七錢半枳殼

陳皮

去白桔梗剉

甘草

各五錢

鈐方去

人參加川芎

右剉每服二錢水一鍾薑二片煎七分無時溫服

人參羌活散 治初作急驚散風邪除風熱

羌活 柴胡 獨活 川芎 人參 甘草 炙 白茯苓 各一

兩 前胡 桔梗 地骨皮 天麻 酒浸焙各半兩 枳殼 一兩麩炒

右咬咀每服一錢水一盞薑一片薄荷一葉棗半箇

煎服疹痘未發亦可服直指方每服三字末紫蘇薄

荷湯調搗掣緊急者去節麻黃煎湯調或惺惺散加
荊芥防風亦可免得遽施腦麝

惺惺散 除風熱及傷寒時氣瘡疹發熱

白茯苓

淨

細辛

桔梗

枯藁根

人參

甘草

炙

白朮

川芎

各等分

右為末每服一錢水半盞薑一片薄荷三葉同煎湯

氏細辛減半

獨活散 治胎驚發散風邪

羌活

獨活

各一分

檳榔

天麻

麻黃

去節

甘草

炙各

半分

右剉散每服半錢水煎於內加南星末蜜調可貼顙

門

木通散 治小兒肝心有熱驚悸用此藥瀉肝風降心

火利驚熱

羌活 山梔子

各二錢

大黃

煨

木通

赤茯苓

甘

草

各一錢

右剉碎每服二錢入紫蘇葉些少用水一盞煎至五
分不拘時服

巴風丹 祛風退驚

天竹黃

研細

防風

釣藤

各一兩

白殭蠶

乾全蝎

白附子

各半兩

右為細末煉蜜和如芡實大每服一粒至二粒麝香
荊芥湯化下

加味導赤散

生地黃^上木通^上防風^中甘草^中山梔子^中薄荷

葉^下麥門冬^中

入燈心草竹葉水煎

仁齋犀角湯 治心驚熱盛

犀角 防風 木通 赤茯苓 桑白皮^炒 甘草

炙各
等分

右剉細每三字水煎服

急驚初傳且可通關定驚搐 諸風搐搦關竅不通痰

涎潮塞氣實使之先用蘇合香丸以薑自然汁浸薄荷湯調與服使氣下則痰下關竅自通

通關散 治小兒驚風搐搦關竅不通

南星

炮

僵蠶

炒各一錢

麝香

一字

豬牙皂角

二定

赤腳蜈蚣

一條
炙

右為末以手點薑汁蘸藥少許擦牙或用物引滴入藥兩三點涎自出口自開皂角略燒存性為末

嚏驚散

半夏錢一豬牙皂角半錢

右為末用一豆許用管子吹入鼻立醒

茅先生奪命散

銅青 朱砂

各二錢

膩粉

半錢

麝香

少許

蠍尾

十四箇
去針

右為末每服半錢薄荷臘茶清調下此治天釣臍風
客忤卒死撮口鵝口木舌喉痺作顛風壅吐涎後依

證調理

錢氏涼驚丸

草龍膽

防風

青黛

錢各三

釣藤

錢二

黃連

錢五

牛黃

麝香

龍腦

各一字

麪糊丸粟米大每服三五丸金銀湯下

局方天麻防風丸

治小兒驚風身熱喘粗多睡驚悸

手足搐搦精神昏憤

天麻

防風

人參

各一兩

甘草

朱砂

雄黃

各二

錢半 蠍尾

炒

僵蠶

炒各半兩

牛黃

麝香

各一錢

右為末煉蜜丸櫻桃大朱砂為衣每一丸薄荷湯化

下

三因方 治陽癰驚風熱證面赤身熱發搐直視牙緊

蘆薈 白附子 甘草 各二錢 胡黃連 朱砂 各一錢

膩粉 麝香 各半錢 蠟梢 殭蠶 炒各七箇 金箔 七片 赤脚

蜈蚣 一條灸

右為末二歲已上服半錢金箔薄荷湯下

金嬰方睡紅散 治小兒急慢驚風手足搐搦目瞪神

昏

牛黃 鵬砂 腦子 真珠 水銀砂子各半錢 青黛

蠍尾炒 京墨燒 南星 半夏同土薑製一宿 蛇含石淬

錢一 金銀箔各十片 麝香一 烏蛇尾并項下七寸酒浸一宿取出去皮骨

錢炙一

右為末三歲一字薄荷湯下 按此治風熱痰藥通

關透肌骨之劑也非風邪下陷者不可輕用

定搐散 治小兒急驚定搐

赤脚蜈蚣大者一條 麻黃去節 南星炮 白附子 直

殭蠶

炒

羌活

代赭石

醋煨 淬七次

蠍梢

川薑黃

各二

錢朱砂一錢

右為末每服一字荊芥紫蘇煎湯調下如搐不止加

烏蛇肉

順搐散 解男右女左搐不順者

枳殼

製

釣藤

去鉤

荊芥

羌活

防風

去蘆

甘草

各半兩

右碎每服二錢水一盞順切薑二片煎七分無時溫

服或入薄荷同煎

瀉青丸 治竄視發搐痰熱

龍膽草

焙

梔子仁

大黃

煨

羌活

防風

各一錢

川

芎

半一錢

右為末煉蜜丸梧子大每

關

九煎竹葉泡薄荷湯調

下錢氏加當歸

羅氏鎮肝丸

治小兒急驚風目直上視抽搐昏亂不

省人事是肝經風熱也

此方瀉青之變

天竹黃

研

生地黃

當歸

竹葉

草龍膽

川

芎 大黃煨 羌活 防風

各二錢半

右為細末煉丸如雞頭大每服二丸沙糖水化下先服此後服天麻散

凡欲下之須當審問前人已下未下或曾經吐瀉否已下及吐瀉者不可再下但驅風化痰消熱而已大約痰熱十分且泄其三之二下劑中須用枳殼菖蒲寬心通氣之類佐之急驚急在一時治不可緩緩則候加深若一時體認不明又不可妄施藥餌急驚既已傳截風

定搐次第風驚已定而痰熱下劑有三初且輕下又稍重下又加重下之劑下後和胃助氣而後定志寧神驅風鎮驚防其再發若下後諸證猶存未易痊愈更勿再下當作慢驚推詳

急驚輕下法

防風湯 治風熱痰壅大便不通

防風 羌活

枳實

各半兩

川芎

甘草

炙

大黃

各煨

二錢
半

劉末每服三字薑棗煎

小柴胡湯加枳殼防風最利風熱解血熱免用銀粉巴
硝重劑一方加大黃少許

宣風散 疏導風熱驚風痰熱四證俱備者極效

雞心檳榔

二箇

甘草

橘紅

各半兩

黑牽牛

取末二兩半生半炒

右為末每服半錢蜜湯調下

定命丹 治急驚天吊撮口通利痰熱

全蝎

七箇

天麻

南星

炮

白附子

各二錢半

朱砂

青黛

各一錢半 輕粉 麝香 各半錢 龍腦 一字

右為末粟米糊丸菴豆大每一丸荊芥薄荷湯調下

先研半丸吹入鼻中

疎風散 治驚風痰熱四證俱盛

檳榔 陳皮 去白各二錢

牽牛 大黃 略煨各三錢

右為末每服半錢生蜜調下演山加朴硝一錢 保

嬰方大黃黑牽牛白牽牛三味各半生半熟檳榔各

半兩細末蜜湯調痰多加輕粉

演山治四證已作八候未具截風丹

全蝎

去毒炒

殭蠶

炒

白附子

炮

南星

炮

天麻

各二錢半

朱

砂

錢一

赤足蜈蚣

一條酒炙

麝香

一字

右為末煉蜜丸梧子大每服三九金銀薄荷湯化下

定搐散 治急驚四證八候并作

天麻

白附

炮

南星

炮各半兩

蝎梢

炒

白花蛇頭

酒炙各二錢

錢半

朱砂

雄黃

乳香

各一錢

代赭石

一兩米醋淬七次

赤

脚蜈蚣

一條酒炙

龍腦

麝香

各一字

右為細末每服半錢金銀薄荷湯下煉蜜丸調亦佳
牛黃清心丸 治四證八候去風痰散驚熱

南星 半夏 白附 川烏

各一兩并洗

川鬱金

半兩

右五味為粗末用臘月黃牛膽兩三枚取汁和藥入
膽中札懸當風處一月乾取出入添馬牙硝朱砂雄
黃鵬砂各一錢腦麝少許如膽藥一兩硝砂四味各
一錢稀麵糊丸麻子大金銀薄荷湯下一歲十九二
歲倍之

鄭氏比金丸

治急驚壯熱喘粗痰嗽大小便不利

輕粉

滑石

各錢半

南星

一錢一字

青黛

半錢

為末稀糊丸小豆大一歲二丸薄荷湯調下急驚頭
熱足冷口噤面青痰厥加一丸桃枝湯下名桃符丸
疏流蘊積涎熱瘡痘餘毒宜服又云青黛加蝎梢半
錢名小青丸同治

利驚丸

急驚痰熱潮搐

輕粉

青黛

各一錢

牽牛末

半兩

天竹黃

二錢

右為末糊丸或煉蜜丸小豆大薄荷湯化下

太白散 急驚搐搦涎盛

粉霜

二錢輕粉

白牽牛

炒各一錢

右為末每服一字薄荷湯調吐痰效

防風丸

治驚風痰熱神昏驚悸

天麻

防風

人參

川芎

各一兩

全蝎

甘草

僵蠶

朱砂

雄黃

牛膽南星

各二錢五分

右為末蜜丸雞頭大每一丸薄荷湯下

保嬰方全蝎散

治急慢驚風發搐服之神效

急慢二證加減

方法在內
製法更佳

全蝎

二十四箇新薄荷葉包以竹夾住於慢火上炙數次或乾薄荷葉酒浸開包炙亦可 殭

蠶

半兩炒去絲嘴
用薄荷依法炙

南星

一兩取末以生薑一兩切片新薄荷葉二兩同搗和

捏作餅
曬乾

如急驚不用南星加大黃一兩煨若慢驚

不用大黃加製南星

白附子

炮三錢

防風

去蘆天

麻

甘草

炙

硃砂

水飛

川芎

各半兩

右為末一歲兒服一字二歲兒服半錢薄荷湯調下

量大小歲數加減身熱發搐煎後火府散調慢驚吐
瀉後發搐生薑湯調急驚搐煎火府散加大黃湯調
火府散 面赤咬牙發熱唇口乾燥小便赤澀一切虛
實邪熱並治

生地黄 木通

各一兩

黃芩

甘草

炙各半兩

右咬咀每服二錢水煎溫服無時

湯氏金星丸 治急驚壯熱痰壅大便不通

鬱金

末

雄黃

各二錢半

膩粉

半錢

巴豆

七箇取霜

右為末醋糊丸黍米大一歲二九薄荷湯下

茅先生朱砂膏 一治驚熱驚積

朱砂

半兩鵬砂

馬牙硝

各三錢

真珠

一錢

玄明粉

二錢

龍

腦麝香

各一字

各研拌久自成膏如諸驚黃豆大金銀薄荷湯化潮
熱甘草湯狂燥惡叫生地龍自然汁月內兒調塗乳
頭令吮

大黑龍丸

治小兒急慢驚風神效

膽星 礞石

硝煨各一兩

天竹黃

青黛

各半兩

蘆薈

二錢

半辰砂

蜈蚣

燒灰錢半

殭蠶

五分

右為末甘草汁為丸如雞頭大每服一九或二九薑蜜薄荷湯下如慢驚用桔梗白朮湯下即愈

小兒龍丸 治小兒急驚輕者

青礞石

煨一兩

青黛

一錢錢

蘆薈

一錢半

膽星

一兩

右為極細末甘草湯為丸如雞頭大每一九薑蜜薄荷湯下 右二方礞石膽星治痰之劑為君痰多者

宜之

急驚重下法

謝氏奪命丹 治急驚不省人事眼定不動牙關不開

唇白並黑者

南星 半夏

各四錢為末並以生薑汁和作餅子曬乾

真珠

新白者二錢 巴

豆

去油淨一錢

朱砂

四錢

金箔

銀箔

各十片

輕粉

麝香

各半錢

右各為末和勻飛羅麪打糊為丸如黍米大每一歲

兒一丸燈心湯下

比金丸

治小兒風熱丹毒急慢啞驚

前奪命丹中

減去金銀箔加真鬱金末三錢丸如上法

利驚丸

前比金丸中去鬱金加腦子半錢白頸蚯蚓

一條用刀截斷首尾兩頭齊跳者用之去土秤二錢

丸服如上法

按此三方導痰藥也白餅子加減法

演山青金丸

治驚風痰熱四證壅盛

巴霜

半錢

青黛

二錢半

南星

半兩

輕粉

一錢

滑石

全蝎

去毒炒

各二錢

右為末稀糊丸如麻子大一歲五丸二歲七丸大小
加減薄荷茶清下以通為度一方加白附子

真珠天麻丸 治驚風痰熱壅盛及弔腸鎖肚撮口絕

效

南星

炮

天麻

白附子

炮各一錢

膩粉

半錢

巴霜

一字

蕪荑

炒

金蝎

麴

滑石

各一錢半

右為末糊丸粟米大一歲五七丸二歲十九丸大小加

減薄荷湯點茶清送下

鄭氏驅風膏 肝風筋脉拘急面紅目青眼上驚搐及

胎風

辰砂 蝎尾 當歸 龍膽草 川芎 山梔仁

大黃 羌活 防風 甘草

各一錢

右為末入麝香一字煉沙糖丸雞頭大三歲三九薄
荷竹葉蜜湯化下

睡安散 治急慢驚風潮搐不得安睡

辰砂

水飛

乳香

血竭

各一錢并細研

麝香

半錢研

人參

酸

棗仁

炒

南星

炮

白附

各半兩

全蝎

二十枚

蜈蚣

一條酥炙黃酒

浸一宿

右為末一歲一字薄荷汁好酒煎沸調下得睡效

蛇頭丸

治急慢驚風涎搐搦來去不問陰陽二候

蛇頭

一箇炙

赤足蜈蚣

三條

朱砂

三錢

鉛白霜

輕粉

各二錢

錢龍腦

各一錢

麝香

各一錢

鐵液粉

百草霜

各半兩

蛇含

石

一兩醋淬

一方加全蝎

一分

右為末米糊丸雞頭大二歲半丸薄荷湯磨下一方
慢驚加附子半兩去皮尖血竭一分

直指天麻丸 利驚下痰弔腸鎖肚撮口可通用

南星炮三錢 白附炮 馬牙硝 天麻 川靈脂 全

蝎焙各錢一 輕粉半錢 巴霜一字

右為末稀糊丸麻子大每一丸薄荷薑錢泡湯送下
右重下之劑惟上壅下閉血氣充實脉沈而有力
者宜之又閻氏所謂候搐勢定下其痰熱之類是已

利驚後調胃助氣定志寧神防作慢驚

直指銀白散 助胃驅風嘔吐作慢驚候者通用

蓮肉 扁豆炒 白茯苓各一分 人參 天麻 白附

子炮 全蝎炒 木香 甘草炙 藿香半 陳米炒香一錢

方加白朮一分

右為末每一錢薑錢一片入冬瓜子仁七粒同煎或

陳米調下

醒脾散大醒脾散王氏惺惺散皆和胃助氣可通用三

方見慢驚

定志丸 治驚風已退神志未定以此調之御院有乳香

琥珀 茯神 遠志肉 薑製 人參 白附子 炮天

麻 天門冬 去心 甘草 炙 酸棗仁 炒

右為末煉蜜丸皂子大朱砂為衣每服一九燈心薄荷湯調下

溫膽湯 治驚悸頑痰

製半夏

枳實

炒

酸棗仁

湯浸去殼
各二錢半

白茯苓

半陳
兩

皮

去

甘草

各一

錢半

右剉散每服一錢入竹茹少許薑棗煎

加味地黃丸

地黃

八兩

山藥

山茱萸

各四兩

澤瀉

牡丹皮

茯苓

苓

各三兩

羌活

防風

各二兩

右為末煉蜜丸如桐子大量兒大小加減

海五福丸

治急驚風生蚯蚓一條研爛入五福化毒

丹一九再研如泥煎薄荷湯少許調化旋灌量兒大小加減服之

五福化毒丹 熱涼心膈

生地黃

熟地黃

焙各五兩

天門冬

麥門冬

去心焙各三兩

甜硝

玄參

甘草

各二兩炙

青黛

一兩半

右上六味為細末後研入硝黛煉蜜丸如雞頭大每服半丸或一九食後熟水化下

安神丸 治小兒驚悸熱渴心悶脉實面紅頰赤口燥

麥門冬 馬牙硝 白茯苓 山藥 寒水石

各半

兩

朱砂

一兩

甘草

半兩

龍腦

一字

右為末煉蜜丸如雞頭大每服半丸沙糖水下 右
四方甘寒瀉火之劑為君小兒血氣虛而急驚者宜
之又潔古閻氏所謂候搐止勢減宜安神鎮心之類
是已

曾氏方

五苓散 解傷寒溫濕暑毒霍亂分陰陽理煩渴

澤瀉

去粗皮
二兩半

白茯苓

去皮
猪苓
去皮

白朮

各一兩半

肉桂

去粗

皮七錢半

不過火

右碎入桂同研為末每服一錢溫湯調下不拘時若作吐用赤茯苓分兩同前每服二錢水一盞煎七分溫服

百解散

主和解百病虛慢陰證不宜

乾葛

二兩半

升麻

赤芍藥

各二兩

黃芩

一兩半

麻黃

製七錢半

薄桂

去粗皮
二錢半

甘草

一兩半

右碎每服二錢水一盞薑二片葱一根煎七分無時
溫服有風熱盛加薄荷同煎

木通散 主上膈熱小腑閉煩躁生嗔及淋證諸瘡丹
毒

木通

去皮節

地篇蓄

去老梗各半兩

大黃

甘草

赤茯苓

去皮各三錢

瞿麥

去幹根

滑石

末

山梔仁

車前子

黃

芩

各二錢半

右件呖咀每服二錢水一盞燈心三莖煎七分無時

溫服或入薄荷同煎

三解散 主上焦蘊熱傷風面紅目赤狂躁氣急渴水

驚啼煩悶丹毒口瘡痰嗽搐掣

人參

去蘆

防風

去蘆

天麻

茯神

去皮木根

鬱金

無以山梔仁代

白

附子

大黃

各二錢半

赤芍藥

黃芩

殭蠶

各五錢

全

蝎

十五尾去尖毒

枳殼

水浸潤去穰剉片麩炒微黃二錢

粉草

六錢

右碎焙為末每服半錢至一錢用溫薄荷湯無時調

下或燈心湯

牛蒡湯 主傷風發熱煩躁鼻塞氣喘痰嗽驚啼及諸瘡赤紫丹毒咽喉腫痛

牛蒡子

三兩略炒研碎

大黃

一兩半

防風

去蘆

薄荷

去老梗各一兩

荆

芥

去根老梗四兩

甘草

一兩一錢半

右件咬咀每服二錢水一盞煎七分無時溫服

防風湯 治急驚後餘熱未退時復手足搐掣心悸不寧及風邪中入肝經兩目視人開眨不常

防風

去蘆

川芎

大黃

白芷

黃芩

甘草

各半兩

細辛

去葉
二錢

薄荷葉

二錢
半

右件剉焙為末每服一錢用溫湯無時調服

半夏丸 治痰證神效若驚搐後風涎潮作服之神效

半夏

生用
二兩

赤茯苓

去
皮枳殼

製各
一兩

風化朴硝

二錢
半

右前三味為末入乳鉢同朴硝杵勻用生薑自然汁

煮糯米粉為丸綠豆大每服三十九至五十九仍以

淡薑湯食後臨睡送下兒小煮丸如粟穀大

水晶丹

方見
癖積

寬氣飲 主通利關節除胸膈痞結消痰逐水進美飲食及治蓄氣而成痞傳變急慢驚風氣逆不和精神

昏倦

枳殼

水浸去穢
麩炒微黃

枳實

製同上
各一兩

人參

去蘆甘草

炙各
半兩

右剉焙為末每服半錢至一錢淨湯無時調服驚風發搐薑汁蔥湯同調熱極者入寬熱飲薄荷蜜湯調下或麥門冬湯

五和湯 主宣利臟府積熱調和榮衛

當歸

酒洗

赤茯苓

去皮各半兩

甘草

炙

大黃

枳殼

水浸潤去

穰剉片麴炒微

黃各七錢半

右件呔咀每服二錢水一盞煎七分無時溫服

寬熱飲

方見發熱

茯神湯 治心氣不足虛而驚悸日常煩哭及嬰孩生

下羸瘦多驚宜子母同服自然有效

茯神

去皮木根一兩

人參

去蘆當歸

去蘆尾酒洗各半兩

甘草

炙二錢

右件呔咀每服二錢水一盞煎七分無時溫服有微

熱煩躁入麥門冬去心同煎

鎮驚丸 主急慢二驚風痰上壅手足抽掣口眼喎斜

煩躁生嗔精神昏悶常服寧心鎮驚疏風順氣

人參

去蘆
三錢

粉草

半生
半炙

茯神

去皮
木根

僵蠶

去絲

枳殼

同前
製各

五錢

白附子

南星

製

白茯苓

去皮

鵬砂

牙硝

朱

砂

水飛各
二錢半

全蝎

十尾去
尖毒

麝香

一字

右除牙硝鵬砂麝香朱砂四味用乳鉢細研餘九味

焙為末入乳鉢內和勻前四味用糯米粉水煮熟糊

為九梧桐子大就帶潤以銀硃為衣每服三九至五
九或七九急驚用溫茶清磨化服慢驚以生薑熟附
子煎湯研化溫服薄荷湯化下或麥門冬湯

戰驚丸 治驚風搐掣煩躁有熱兩目上視口禁牙關

龍膽草

去蘆防風

去蘆青黛

釣藤

和鈎

黃連

淨

牛黃

甘草

硃砂

水飛各五錢

薄荷葉

二錢半

麝香

半錢

右除牛黃麝香外餘八味剉炒為末仍同前二味乳
鉢內杵勻煉蜜丸如芡實大每用一九至二九溫湯

化服或茶清

硃砂膏 主五心煩熱喉痰壅盛驚風搐搦渴飲無時

睡中不寧見人煩躁口瘡糜爛

硃砂

水飛五錢

馬牙硝

鵬砂

玄明粉

各二錢半

麝香

一字

金箔

銀箔

各十五片

白附子

枳殼

麩炒微黃各三錢

川

芎

粉草

各四錢

人參

去蘆

黃芩

薄荷葉

各二錢

右前七味入乳鉢細研後七味剉焙為末仍入鉢中
同前藥和勻煉蜜丸芡實大每服一九至二丸用麥

門冬熟水無時化服

不驚丹 治因驚氣而吐逆作搐痰涎壅塞手足掣縮

目睛斜視常服疎風順氣自不作驚和脾胃進飲食

枳殼

去穰麤炒
微黃一兩

淡豆豉

焙乾

南星

茯神

去皮根木
各半兩

蝎梢

五十尾
去尖毒

淨蕪荑

二錢半先入乳
鉢內極細研爛

右除蕪荑外餘五味焙為末再同蕪荑乳鉢內杵勻

醋煮糯米粉糊為丸周歲內嬰孩粟穀大每服三十

丸至五十九乳汁下三歲以上者麻仁大每服五十

九及六十九溫米清湯下候一時得吃乳食

薛氏方

四物湯

見吐血

四君子湯

六味丸

即補腎地黃丸

瀉白散

見肺臟

柴胡清脾散

梔子清肝散

並見發熱

參朮柴苓湯

治肝經風熱脾土受尅其證善怒睡中

抽搐偏身作癢飲食少思

人參 白朮

茯苓

陳皮

各一錢

柴胡

升麻

各七

分

山梔

炒八分

鈞藤鈞

一錢

甘草

炒五分

每服一二錢薑棗水煎

安神鎮驚丸 驚退後調理安心神養氣血和平預防

之劑也

天竹黃

另研

人參

茯神

南星

薑製各五錢

酸棗仁

炒

麥門冬

當歸

酒洗

生地黃

酒洗

赤芍藥

炒各三錢

薄荷

木通 黃連

薑汁炒

山梔

炒

辰砂

另研

牛黃

另研

龍骨


各煨

二錢 青黛

一錢另研

右為末蜜丸菜豆大每服三五丸量兒大小加減淡

薑湯送下



證治準繩卷七十三